





椒丘文集卷之二十一

後學南城圭峰羅

知廣昌縣婺源余

後學同邑黃選李喬編輯

詩

四言古詩

終慕堂

薊門敦君信念其二親蚤逝欲養弗逮故名所居之堂

曰終慕志不忘乎親也予嘉其能孝為賦詩以寫其思

親之情云

瞻彼堂前維楹鬱鬱念我父兮心焉如割瞻彼堂北維





靡靡念我母兮潛馬出涕橋兮護兮載榮載落父兮母兮  
逝不可作豈無尊酒為誰酌之豈無鍾鼓為誰樂之日居  
月諸迅逾川流頽懷罔極我思悠悠朝風飄飄庭樹蕭蕭  
我思我親中心翹翹夕風烈烈庭樹揭揭我思我親中心  
悵悵維古有聖終身慕而永言孝思殆其庶而九天蒼蒼  
九原茫茫我生有盡我思無忘

平林送憲使錢廷珍赴任

平林送憲使錢公也公以懿行淵識光膺

寵命典憲滇南輅車既駕群公出祖故作是詩以餞之  
苑彼平林言秣我馬君子于征言餞于野肯酒維醕嘉釀  
維旅群公具采爰茲出祖

於維君子武肅之門日金券玉冊勛庸維舊慶澤攸鍾德音  
是茂克續前休維邦之秀

有多斯冠有繡斯服為 皇蓋臣憲度是飭汾水之曲梁  
山之麓駟牡駢駢爰咨爰度

闔海茫茫有廓其疆 皇命蓋臣式是南邦母茹其柔母  
吐其剛以佐膚使惠我遠氓

龍節煌煌鸞聲瑤瑤繡衣孔揚戾于海邦孰為豺兕我斧  
其吭孰為鴻鴈我哺之糧

敷政維公有嚴有容惠于神人罔然同恫相彼蓼蕭零露  
濃濃淑爾君子寵祿攸宗

截彼滇城南控金齒膚使來臨戎夏咸喜乃激乃揚有紀



有綱孰為民痛憲度孔明

黑水南注維禹之績於 皇有命往宣我澤是綏是附百  
蠻無侮厥能大具歸于天府

嚶嚶者鳥求其友聲念我良友中心忼忼點蒼蒼蒼言謂  
洋洋願言從之道阻且長

肅肅 皇命維公將之悠悠我思何日忘之矢此頌歌式  
昭德音令德不忘以慰我心

右平林十章章八句

桂山送朱方伯赴陝西

桂山送方伯朱公也公歷典諸藩有勞有烈肆膺  
寵命尹茲西夏群僚出賦詩以致頌禱之意焉

桂山截兮桂水滴兮產茲蓋臣邦之傑兮維此華臣之寶  
允文奮庸中外厥聲汙汙

迺登賢書迺踐身衢迺秉邦憲迺陟許謨龍節斯煌鷺車  
載驅孰荒我鋤孰枯我濡

炎海之隈有鵠有蟲 帝命公往參彼大猷敷政不練是  
釐是柔 皇澤爰流洞燦以瘳

帝曰良哉予嘉乃績于旬于宣往佐邦伯以糾以述以弘  
皇德內綏群黎外威北陌

涇原有虜敢犯我國公董王旅往禦其侮龍盾虎鬣載余  
其吭群醜以劉北鄙載寧

公有不績 皇用寵錫有鄒闔邦陟公為伯是懷是撫公



維民父是訓是釐公維民師

相彼玉璫注茲黃流温温君子多祉是道天祚公胤是多賢子春榜秋臺克趾厥美

河華千里維古帝京 皇曰往哉汝維長城公拜稽首寵命維隆敢竭股肱之屏之墉

金城萬雉周漢所營公往蒞之扞彼朔庭群酋來同方伯之功訖其外庸乃卿乃公

隼旟能軾出次芋原群公餞之班以周旋有魚鱣有鼉有象有棗方伯燕有其鼓考考

咸陽遺黎戴公父母若羣若稚奔走來進秦人之喜聞人之悲願秉鈞樞式弘厥施

終南之麓煙樹蒼蒼我思公兮曷日其忘粵山之椒傳雲靈露公念我兮毋金玉其音

右桂山十二章章八句

五言古詩 附集句

讀曾南豐詩

韓公歿已久詩道日陵夷豈識渾雅作徒逞妖媚詞有如苔砌蛩竟夕鳴聲悲又如倡家婦粉黛傷陋姿寥寥數百載夫子起紹之一掃西崑陋力追騷雅遺峻如登華岳石磴何欽崎壯如雷電驚白晝騰龍螭清如方塘水風靜綠漪漪澹如空桑瑟和桐緼朱絲雄拔追李杜奇澁薄宗師金陵與六一嗟賞無異辭群兒厭黍稷相與甘糠糜黃口



恣凌詬顧謂不能詩豈知韓公後何人能庶幾想當揮翰  
時元氣盡淋漓渾涵寔天造顧豈推敵為我願寫萬本卑  
卑喻群兒千周燦彬彬大音初可窺欲造風雅域斯文乃  
階梯最哉追古作峻途極攀躋毋為拾紅紫點綴闢妍媸

謁寇忠愍公祠

靈宇何沕穆幽篁亦蕭疎殘碑半剝落荒蕪侵庭除嗟公  
抱奇節毅然雄萬夫平生致君意欲與皇王俱從容定儲  
極決策征黠胡九重方眷注群儉紛詆誣寃哉孤注說坐  
使君心渝出典北門鑰南投瘴海隅厭世一何蚤騎箕返  
大虛遺黎返歸櫬哭祭填道途精誠感枯竹翠籜俄紛敷  
江臯敝祠宇蔽冕何翼如至今民與吏萬獻群奔趨我來

拜庭下周覽掃平蕪英姿凜如生尚足懾奸婢直道古難

合臨風增鬱紆

謁考亭朱夫子祠

嘉樹何苑苑方塘亦溶溶溪山幽勝處中有天子宮慨自  
孔孟歿秦坑燬復紅吾道殆欲熄斯人如盲聾天未喪斯  
文乃啓洛水翁茫茫尋墜緒懇懇開群蒙夫子振其後超  
然蓋世雄六籍重研究心與往聖通長風掃陰翳日行  
晴空明王曠不作天下孰予宗鳴皋噪威鳳蜿蜒嘲神龍  
携持二三子講道空山中昕夕絃與頌衿珮何雍容至今  
建溪上斷斷騶魯風祭鷲盜遐逝聲光赫無窮嗟予生已  
晚慕道恒忡忡少壯不自力倏覺頭欲童茲晨欵門墻再



拜涕沾胸九原如可作執鞭以相從

謁李忠定公祠

宋故丞相李忠定公世家樵川其精忠大節史載之詳矣使公之言用於靖康之初徽欽必無北狩之辱使公之言用於建炎之際高宗必無蹈海之危說邪交作而公竟歿貶所嗚呼哀哉予謁公之祠感公之忠節慨嘆之餘情不能已故賦此

孤狐升御座黑青殿炎精虜騎忽南下長驅無堅城廟堂無遠畧金幣但乞盟我公抱忠憤抗疏請親征內選環衛士外召勤王兵虜聞褫魄遂巡為從塔魯群邪互擠排不顧皇穹傾公謀既不用虜勢益憑陵青城駕不返哀恨徒

嘔嘔建炎初嗣統起公秉鈞衡拳拳復三鎮汲汲返汴京慷慨陳十策炳焉如日星國勢稍張皇虜酋咸震驚汪黃苦相忌投荒復盡用行犬馬據宸極神龍幽虜庭公轅不復北河洛汚羶腥自天不怒道騎箕上青真此邦公故里遺廟儼儀刑神遊三首樓英氣凜如生升堂展拜謁溪毛薦芳馨思公不可見頽仰清淚零

嵇侍中廟賈后字商風

華林怒蛙鳴往寢南風競五王弄戈鋌宮闕煙塵曠英矣嵇侍中忠誼本天性當其徵起時捐軀計已定傷哉蕩陰戰鼓哀將亦病痾重犯屬車王旅忽奔迸僕姑集帝躬六爾墮墜深窆公焉豈不佳見危思授命竟渠何咆哮曳公斫



其頸血流滿帝裾帝衣互相映年深化碧草萋萋紛被徑  
公名耿不磨屹與華崧並至今蕩東門廟貌嚴且正我來  
歎靈宇蘋藻載將敬韓原驅車馳成白載擊泳鄭誅非濫  
刑贖免寔天奪思公不可作臨風發高詠

越王臺懷古次南谷韻

歐閩古建國釣龍有遺臺臺空龍已逝泐穆祠宇開劍履  
掩虛愧丹青雜荒苔念茲幻踐胄桓桓亦竒才援戈逐秦  
鹿上宇日以恢疏封又赤社組練咸陽回貢篚來百粵威  
聲振九垓緬懷全盛且息氣亦雄哉至今奠椒醑猶有遺  
民來魚燈已黯黯馬頭尚黑紫纒故宮渺未忝落日潮聲哀  
感此發長嘯登臨為四何

長平懷古

寒雲起崇岡厲風振林木山鳥鳴嚶嚶恍如趙兵哭低徊  
憶往事感我淚相續哀哉長平戰虎吻厭人肉翩翩佳公  
子慮事何不熟括也喜談兵身死家亦覆忍哉白氏子欺  
天逞淫毒雄兵紛若林一旦填谿谷至今耕墾者往往得  
遺鏃孰云天網疎報應如轉轂杜郵豈為冤萬死未足贖  
嗟嗟秉鉞士起傳宜三復前車諒未遠後乘慎馳逐

潞城懷古 春秋潞子嬰兒之國也

朝出上黨城書抵嬰兒國民俗固質野原田亦磽瘠西望  
荆卿墳蒼然闕榛棘衛公有遺祠繪事儼冠冕我懷馮野  
王自少謹脩飭雖云世所賢衆枉紛忌直初焉斥藩邦繼



乃困微纒積善云有慶伊人死讒惡天道良悠悠古今同  
太息我欲訪松楸剪薙加培植空原渺無覩悵望淚沾臆

武鄉懷古

武鄉古名縣孤城瞰漳水漳流日奔騰雉堞半淪圯居民  
百餘家築室傍山趾我來賑飢羸周覽臨漳浹石勒城久  
荒淒迷暮煙紫當時逞桀逆所過生荆棘襄國既稱孤歸  
來宴鄉里此鄉比豐沛夸談曾不耻寧知二紀餘竟作若  
教田心榮華詎幾時起沒浮漚爾何如金控侯英名照青史

晉陽懷古

十首

懷子夏

河津縣

龍門崇且秀間氣鍾名賢卓哉卜氏子允為群彥先講道

師元聖顏冉同周旋序詩發微旨傳易探幽玄豈惟富文  
學垂訓多格言悠悠千載下芥屋尚巋然我欲雉荒穢采  
蘋薦寒泉九原如可作願言為執鞭

懷郭林宗

介休縣

炎光日以暄群阍弄王綱忠賢弃楚澤儉狡登巖廊李范  
秉清論侃侃扶天常豈知稽天浸一帝詎能航夫子明且  
哲允為萬夫望匪夷亦匪惠相時慎行藏終然脫奇翫冥  
鴻恣高翔瞻鳥止誰屋感此懷悲傷中郎發潛德千載揚  
休光

懷關雒亭

解州

黃星爛長空漢社倏已屋高皇有賢孫慷慨志恢復桓桓



壽亭侯佐佑共馳逐紫髯勁如鐵面色類顏玉破操遂收  
荆虜璋載開蜀襄樊陳魚麗黠冠勢日感天意不可回臨  
沮竟顛覆生為萬夫雄死義不為辱英爽元不亡鞭霆駕  
雲轂至今海宇中饋奠競尸祝嘉肴薦羔豚桂醕清且馥  
魯蒙今何如餒鬼啾啾哭

懷文中子 河津縣

洙泗啓道統縣延及孟軻軻歿聖緒絕茲道寢以訛河汾  
有名儒志道心靡它禮樂事探討詩書重研磨董薛與王  
魏從游共切磋上希紹絕緒下欲障頽波續經雖云偕格  
言亦已多云何末學士持論紛詆訶欲知經世心東征有  
遺歌

懷郭汾陽 太原

華清春晝長羯鼓聲方競鐵騎來漁陽翠華遽西幸郭公  
直雄才仗鉞事賊定北征掃櫬槍東討戮梟獍回鷗請受  
盟吐蕃夜奔逆從容進退間順人且安命奸闖亦革面洒  
涕起深敬汾陽啓茅土寵眷一何盛安危繫一身夷虜知  
名姓中興多英賢福履誰能並茂績紀汗青千秋尚輝映

懷陽諫議 夏縣

晴壑凝黛色寒溪漾澄流睠昔陽諫議韜光與夷猶賢聲  
徹黼座徵詔來林立遂辭鹿豕群去與鷓鴣驚游謂公當  
寒而公但悠悠青蠅忽止蒲賢相投荒陬公乃叩閣手累  
疏不自休精忠貫股日勳氣凌清秋白麻不果降懷度志



且羞公歿數百載士風日以偷旖旌全與蕙茲焉化而  
朝陽無鳴鳳立仗多騷騷思公不可見悵然抱孤憂

懷裴晉公 聞喜

淮西有御犬狂吠何信信廟謨方致討噬齧及四鄰晉公  
秉旄鉞出頓激水濱鐵騎既蕭蕭糧車亦磷磷類類爭效  
捷古通敢遂巡元亮卒就戮寵錫何來頻歸朝贊大猷謹  
論常閭閻青蠅紛來集皇甫亦何人奉身歸綠野詩酒陶  
吾真列闡仰舊德四朝推宗臣高步姚宋後誰能繼芳塵  
我歌平淮雅清淚欲沾巾

懷文潞公 嘗為翼城令

其亭潞公軒煦煦翼城縣公昔宰縣時琴觴此游街泉石

清且幽芳林亦葱蒨一朝秉鈞軸德望膺殊眷建儲耻言  
功被劾不自辨管鑰司北門旌麾靖東甸廟堂殊雍容工  
庶自歡抃偉哉社稷臣百世能幾見平生仰高風覽物增  
遐睎典刑邈難覩俯仰淚如霰

懷司馬溫公 夏縣

瑤臺何魏魏涑水亦瀾瀾我公獨何之公堂遺劔履念昔  
熙寧初事事稽周禮新法紛如毛舊基度以祀公時居洛  
師容與花竹裏朝被嵩阜雲夕釣伊川水宣仁始臨朝翻  
然為時起憮憮撫瘡痍汲汲除秀秕坐令憔悴民復見雍  
熙理胡為厭氛濁溢然騎箕尾忠清與粹德令聞傳不已  
嗟予生已晚高山夙仰止稽首遺像前酌泉釐芳芷



懷趙忠簡公 聞喜

淮甸狼煙昏變輿欲南避群公奉頭戴首為宗社計英英  
忠簡公談笑却胡騎六飛一臨江將士爭奮勵斬三旣北  
首魏公亦南至亮酋失色歸逆豫亦潛逝王室再造功當  
時誰與二孽秦忽登庸力主和我議遂令社稷臣白首投  
荒裔妖醜鼓腥濤海酋揚赤幟遺表何琅琅初心猶不替  
公歿絕百年吳宮已無撼董澤有遺祠歲時薦椒荔騎箕  
倘來歸悵悵仍增欷

題蘇李泣別圖

黃雲黯黯暮歸騎慘惻發灑酒上河梁悲興故人別後會  
不可期請與君永訣祈連山前箭沙漠雪中雪君心與我

志各欲效忠節老親坐誅夷此志遂蹉跌今君獲生還竹  
帛炳貞烈顧我墜家聲有懷共誰說韓王昔降虜茅土世  
不絕念我先飛將守邊瓌瓌傑臣罪固當誅臣族詎宜滅  
嗟嗟全軀臣誰肯為論列我心豈忘歸望鄉心如焚親族  
靡孑遺念之肝腸裂慟哭送歸旌哀哀淚成血君歸謁茂  
陵母為遂結古寄語霍將軍此心宜識察

巡黃花鎮

驅車出東郭行行指邊城是時歲向暮陰雷書晦冥驚風  
號枯柯寒鳥鳴嚶嚶中官候道左邊即戎服迎旌旂紛旖  
旒劔戟亦縱橫閱兵黃花鎮駐節驢安營山路石礪礪斷  
溪水始凝羸馬鞭不前僕從自涕零音賢畏險道我胡不



自寧虜氛正頌洞詎敢憚遐征三陟記嚴寒尚慮藉王程  
安得霍西姚一掃邊塵清

過諸葛武侯廟

予使蜀過沔聞縣有武侯廟極欲往謁而積雪載道僕  
夫已痛遂不果往馬上誦出師表慨然嘆後世如公者  
何其鮮也因賦短歌一章以致高山景行之意云石棺  
山名吉利曹操小字也將成化丙午冬十月二十九日  
石棺雲霧瀉濁水波溶溶中有武侯廟棟宇亦崇崇念昔  
炎祚微諸藩務爭雄吉利據全魏仲謀擅江東斯人伊呂  
儔長嘯草廬中英英高皇肖志欲艾群兇徘徊襄漢間孰  
與同其功一聞卧龍名三顧禮也恭從容決大計魚水欣

相逢首結孫氏好再推曹氏鋒益梁既歸命滇雋亦乘風  
遂令寰宇內重觀炎光紅天意苦難謀大星隕長空超然  
謝氛濁誰覩永安宮歷觀百世下孰能蹈其蹤有謬孰肯  
戮有正孰能容公道未必布忠益未必從九原不可作孰  
為人中龍朝貌在茲邑聲光赫無窮嗟予生已晚仰止常  
忡忡朗誦出師表慨然淚霑胸

景陵書事

此即南齊之竟陵伏義之後風氏封于

漢江南匯處云是古邛鄉風氏遺封在茶翁崔昇荒五華  
飄暖翠三澗滉晴光名宦懷仁傑賢藩憶子良俗淳民訟  
簡政峻吏書忙水國舟為市漁家章作檣春深交筍羨秋  
晚稻花香菱芡充常貢魚蝦售遠商茅簷晨霧重蓮蕩午



風涼犬吠蘆汀月鷄鳴夢片霜鳧鷖晴泛泛葭菼暮蒼蒼  
最愛停舟處漁歌送夕陽

王昭君

昭君在掖庭皦皦冰玉姿絕色恒自負不肯賂畫師君王  
不識面遠嫁與胡兒愛惡元有命不在妍與媸名花萎荒  
穢小草植軒墀古來盡如此悲嘆亦奚為

真氏女

真文忠公之裔孫當元時仕為兗州府官錢數十萬萬  
其女以儻久之流落倡家女以剛貞自持日隨其儕出  
惟歌雅詞吹洞簫而已狎客不敢犯姚牧庵為承旨嘗  
會客翰林院女以善歌往供奉牧庵聞其作閩語詢知

其故而憐之告于所司脫其籍以嫁院吏黃逮逮後仕  
至顯官客有談其事者予因賦詩以紀之

妾本相門女少小顏如玉阿爺負官錢鬻兩妾以自贖詩書  
不復理學唱金縷衣當筵歌一曲羸得錦纏歸相君名世  
儒聞歌忽驚訝相問始知因矜憐重悲詫告官脫妓籍禮  
送歸名家紗窗理舊業肯復歌浩哇昔為葦上英今作閩  
中秀長安遊冶郎詎敢窺窻牖羅裾與象櫛淡然儒家粧  
良人詞苑吏不數羽林郎今宵復何宵三星正當戶喜極  
忽成悲潸然淚如雨幽蘭植糞壤芳潔常猗猗妾身猶處  
子即君當自知

夢萱堂



靈萱委秋露歲月忽已徂永夜不能寐念此增煩紆孝誠  
既昭格精意遂潛孚宛然升北堂音容懽以愉酌酒為親  
壽起舞為親娛不知憂重逢但覺秋懷舒寒鷄微飛旦幽  
明遂殊途攬衣重悽惻清淚沾華裾推窗情無覩落月啼  
林鳥

換段節婦

新城令敏之母也

結髮事君子燕婉期百年寧知賦命薄中道失所天應門  
既無童有郭靡有田呱呱兒在襟詎敢覲成全歲晏衣未  
製午過空無烟寒脩脩來顧巧語何便便謂言栢舟詩寧  
勝凱風篇殉節空自苦飢寒竟誰憐婦聞氣填膈欲奮  
其拳妾心雖匪石比石似更堅貞松挺寒翠忍使柔荑

寒脩慚且走舌縮詞莫宣苦節益自勵之死矢靡愆梧桐  
秋月冷照我影娟娟豈無忘憂草對之不開顏天道信靡  
忒子壯孫益賢日月迅如矢霜華倏及顛奄忽厭榮養城  
南起新阡孫今振脩翼虞廷日踰躋追思重闈志清淚長  
潛然不羨雙鳥綽楔桐門前不羨五花錦諾來日邊但願  
太史紀貞烈耿耿徽音百世傳

何家莊八景

高嶺晴雲

危峯高際天掩冉雲滿谷幽人玩奇變昕夕看不足迎風  
翠蓋翻映日錦屏轟澹澹涵霞影紅濃混黛光綠出處自有  
時悠然靡羈束蒼生望霖雨毋為滯林麓



東陽霽雪

積雪徧原楚茲山畫案消汗池與危石鵲鳩成瓊瑤寒光  
徹跡掃素鳩綴枯梢出門騁遐矚玉柱倚層霄樵逕遡難  
尋鳥聲亦寂寥何當登絕頂曠望遺紛囂

杉山翠色

我昔種嘉樹封塔恒究心樵斧不敢晚牛羊靡相侵茲焉  
三十載蒼然秀穹林喬柯拂晴昊密篔蔭間潯春至黛色  
媚雨餘翠煙深豈同牛山木濯濯彼遙岑

竹野秋聲

崇岡曠且夷植竹十餘畝長風天際來瑟瑟鳴不已清音  
諧鳳鸞雅韻協宮徵恍疑王子晉吹笙碧雲裏山居澹無

為壁慮淨如洗何必梵與磬鏗錫聒人耳

井庵曉鼓

玉繩麗東峯斜月映虛牖山僧初出定逢逢鼙鼓吼填然  
一何壯隨風落谷口巖壑欲振搖魑魅盡驚走征人戒前  
途耕夫趨隴畝山翁朝慵起展轉搔白首

水碓宵舂

村居澹無營所需在粒食引泉運雙杵匪藉樵者力斨輪  
駛若飛怒湍亦衝激月明響丁丁隨風入寥沆精鑿諒天  
成功利妙無迹却憶漢陰言滌然長太息

戊卒故營

原田何昫昫木柰亦或或村氓耕墾餘往往得遺鏃云昔



備閩粵貌貅曾此宿緬懷屯戍時笳鼓振山谷四海令一  
家荒壘成平陸萬竈無遺駭長林曉煙綠

石門古道

雙石勢崢岼山徑出其間將將如觀闕行人日往還初疑  
登劍閣一髮縈巖巖又疑出并陘詰屈羊腸盤五閩長安  
道車馬去閑閑駕言趣行邁交衢鳴和鑿

夏夜獨坐

炎宵苦煩燠燕坐綠樹陰涼颺天際來朗月照我襟幽懷  
鬱未展忼慷撫鳴琴初彈龜山操再奏猗蘭吟曲盡長太  
息悠悠孰知音俚耳厭苦淡新聲競哀淫懷哉荷蕢者猶  
識宣尼心

田家即事效陶彭澤

春至原草綠驅牛出東隄野麋避我走田豕向我啼放牛  
恣所適植杖采柔薇倦來卧松下松高暑氣微俯聽流泉  
聒仰看浮雲飛日暮騎牛還稚子候柴扉濁醪聊自慰相  
顧情依依但願長如此安知慕輕肥

偏頭關書事

金湯天設險形勝壯遐荒地控黃河阨山連紫塞長別營  
貔虎卧分陣鶴鵠翔羽檄通西極烽烟接朔方降胡隨畜  
牧戍卒事耕桑土屋冬偏暖松棚夏獨涼樺林藏藝獸廩  
隴走群狼雲暗金笳急風高鐵騎強承恩司官鑰敷德  
輯戎羣聖化雖無外神州自有疆洗兵青海上秣馬黑



山陽誓斬樓蘭首銘功答 聖皇

有感

季子相六國孟軻老於行悠悠千載下不知孰重輕如何  
當世士之死競浮榮乞播曾莫耻醉飽還自矜豈知妻與  
妾慙憤號中庭

冰山何差我群兒競依倚謂若崧華安豈復憂崩圯曷日  
出雲端炎光徹厚地堅冰泮如淖群兒竟何恃叔文柄國  
時門下客如市一朝竄南荒諸客亦遠徙寄言媚竈者胡  
不鑑前軌

秋懷 六首

白露悴百草玄蟬寂無聲庭柯斂新翠竟夕寒螿鳴感此

時序易披衣坐前榮仰視天宇間銀河隔雙星一葦亮可  
航相望未合并玄運亦多阻矧茲塵俗情接琴鼓別鶴感  
我淚交零

驚鷗撼庭樹秋氣慘悲涼玄鳥已遠逝群鴻亦南翔幽人  
抱遐思攬衣起彷徨念昔少壯日志輕杜與房淹留竟何  
成鬢髮交頽已蒼平津為漢輔汲生老淮陽感彼積薪嘆悽  
然令心傷

月明秋院靜砧聲一何悲為問搗衣者云是游子妻昔居  
燕昵初不忍一夕違如何遠行役十載猶未歸淇上有游  
女邠邠多妖姬容華雖可愛節義亦易虧君雖不我念妾  
志終不移願君一回慮追念合卺時



籬菊翹芳蘼并梧墮輕碧榮悴諒有時世情何役後寒蛩  
亦何求嘒嘒號永夕端居澹無營玩物聊自適春華雖可  
娛適口美秋實得馬未足欣亡羊亦非戚生年知幾何撫  
卷悼往跡乃知蒲圃積不若道傍櫟

方塘澹無波風起覺文毅亭亭芙蓉花穠艷晴綠顧茲  
搖落時蘋蓼紛在目豈知窈窕姿寂寞寒江曲想應厭紛  
華寄此媚幽獨我來當秒秋臨風挹寒馥但憂芳歲晏月  
白霜華肅

寒裳涉秋水言采芙蓉花采之欲誰道所思在天涯念與  
君別時春風茁蘭芽蘭枯秋露冷君行未還家豈與一樽  
酒亦有筍酒世軍居誰共懼俛仰增長嗟此花何足愛遠

寄比容華但恐去路遙零落同群葩

題黃君愈宣江山一覽亭

山翁不川游溪翁不山住茲亭何魏魏妙得江山趣浮光  
澆簾櫺飛翠隨窺戶江山百里間一一堪指顧披雲  
扉乘月泛煙渚鷗鷺狎琴尊鹿麕隨杖屨悟茲動靜理悠  
然豁心慮嗟予抱清尚山水夙所慕年來徇微祿舊游隔  
煙霧聞君構危亭便擬將簪去憑高騁遐矚允矣愜中悵

貧女篇答王元哲

妾本貧家女陋質匪姬姜幸承姆史訓恒以禮自防雖無  
珠翠飾被服潔且芳弱年甫及笄爺娘擇宜當朱門非敢  
望所願夫婿良命薄蹇脩拙誰歌鳳求凰同時拾翠者兒



女已成行嗟我獨何辜悽悽守空房常恐方歲暮繁華委  
秋霜覽鏡每自悲幽憂結中腸忽承眷顧言感我思徬徨  
失時固可悼失身重堪傷赤繩有定分桑中詐非在矢言  
保貞節肯喻東家墻伯鸞尚見求勉焉希孟光歛衽謝贈  
言清淚沾羅裳

洛陽道中

秋郊雨初霽駕言適洛陽炎氛淨如洗高樹含新涼蕙草  
已斂色菊花正揚芳微風來遠壑衆綠紛披揚溪濱暫稅  
駕水石鳴琳琅渚沙粲如雪瀟瀟雙飛翔低迴翫物理塵  
想頓消忘落景麗西嶠漁歌起滄浪蒼然暮色至候騎紛  
道傍登眺興未窮悵然陟崇岡

澧陽道中見蘭有感而作

驅車道澧陽極望蕭艾綠微風起道傍吹憊送清馥穿林  
競披尋猗蘭在幽谷翠葉泛寒飈素華映晨旭群芳苦蔽  
翳悴憔悴幽獨奈茲臭味同相依有秋菊洛人愛牡丹楚  
客重蘋蓼誰能憐國香過者競驅轂感彼尼父嘆淒然淚  
盈掬聊為剪荒榛毋令肆侵瀆

遊壘山亭和自立僉憲韻

玄雲鬱四塞白日奄西淪虜馬忽飛渡長江猶平津先生  
起南服夙昔味道真援戈挽頽景力竭心徒勤六龍既浮  
海單騎乃來閩間關豺虎場號慟霜霰晨寧知造物者全  
節付斯人北轅竟不屈九死等一塵高節何所擬閩山碧



嶙峋嗟哉師夔輩乃其夷虜臣浮榮今何如庭草秋復春

送朱方伯

春郊雨初霽綠樹含華滋使君駕言邁雙旆風披披嶺函  
渺何許去路正倭遲且罄同袍歡飲饒江之涓開樽酌芳  
醕授簡哦新詞賓後勸且酬不覺駛景移念茲長安道年  
來困創夷窮邊吼豺虎孤戍屯熊羆君行殿藩服一展習  
中竒露檄諭疏勒揮戈斬屠耆坐令三邊士賣刀事鋤犁  
功成奏丹宸峻擢擁旌麾君車日已遠會晤當何時願  
言樹嘉績慰我渴與飢

齋居對雨懷惟孝

空庭灑飛雨花樹涼蕭蕭端居倦佔畢隱几不自聊念我

同袍友睽違忽連朝官曹咫尺地邈若千里遙清觴悵獨  
酌玄理孰與昭含情撫枯桐絃急思轉焦何當化雙鶴聯  
翩凌層霄

瑤臺舞靈鳥文采何歲誕簫韶感清夢飛下丹山陔鳴聲  
殷笙磬群喙徒啞伊鴉鴉苦相妬况此鴉與鷓棲息每非  
所羽毛日摧萎願言共高舉結果碧梧枝養此五采翎遠  
彼百鳥嗟

春暉堂

為周冬官賦

春暉麗晴顛百卉含和澤離離堂下草藥時泛輕碧念茲  
茂以榮允籍春暉力春暉豈望報卓心自罔極婉彼周家  
母顧復心充劇子今茂且賢身攬振脩翮馳恩放命書



亦既昭淑德母髮百種種子心恒惻惻豈無羶與鄰亦有  
琴與瑟雖能養口體未足供子職常恐缺景流歲月忽復  
易高堂楊華扁 層藻向烏奕願同堂北萱長使慈心悻

終慕樓

日沒且復出花落春再開哀哀父與母一逝不復回思親  
不可見登樓寄遐矚西風吹庭樹徬徨動心曲樓前有慈  
烏啞啞啼晨霜我親獨何之感我淚沾裳樓外有飛雲悠  
悠覆親全是我親獨何之感我淚如瀉豈無祠與墓歲時薦  
蘋藻雖云祭時豐不似養時好海深猶可竭山高或可夷  
我生雖有慧我思無窮時

秋夕獨坐有懷鳳儀秋官

炎暉倏西沉華月映虛牖涼颼天際來秋聲在高柳念我  
夙心親倚床屢搔首憶昔遇君初傾蓋即如舊古道期共  
敦斯文相與剖胡茲遽遠別中腸互縈糾君如遷喬鸞嚶  
嚶求其友我如失群鴻孤飛粵南岫豈無鷺與鷗自顧非  
我偶憂來還自慰同心勝握手寶劍尚有合別離詐當久  
所願勵嬌節芳名垂不朽

次文瑞念憲游鼓山韻

靈山何截嶺高瞰弱流東萬井喧俱寂諸天路可通松雲  
春黯黯花雨晝濛濛浴鳳池波冷潛龍石竇空祗園珠作  
寶林剎玉為宮文物懷先哲胚胎想化工叨陪群彥後並  
駕此山中細草承香轂垂楊繫玉驄沉烟凝瑞謁寶燄炫



晴虹已喜朋簪盃還深  
對奕慙予拙論文羨  
子雅鶴隨飛珮舞花  
映醉顏紅綠葉  
嗤禪伯風流仰謝公  
詩成鬼神護何必羨  
紗籠

挽子昂侍郎鑑

華胄承駒魯宏材邁俊  
英麟經曾擅茶虎榜  
登名英湯  
風聲遠黃門地位清  
含香趨瑣闥擁笏導  
霓旌奏對承  
殊渥超遷位列卿朔  
方勞轉餉南海藉治  
兵區脫狼煙息  
滄溟屋瓦霧晴賜歸  
家

聖眷徵起恆輿情勛  
業追先哲威儀式後  
生白鷄俄入夢  
黃閣竟辭榮當宁嗟  
楊綰同朝惜孔明芳  
聲垂汗簡懋  
績紀桓楹舊業荒煙  
恨新阡宿草榮臨風  
歌楚此悽愴淚

沾纓

水南八景

東嶺日華

羲馭升暘谷千峰煥  
景光巖巖念  
鬢色松桂散幽香  
繡壑  
清暉動丹崖暝霧藏  
暖晞花徑露  
晴爍竹橋霜  
行客催胡  
發驚鳥趁曉翔柴門  
翹首處杲杲  
麗扶桑

西池月影

碧霄氛翳淨皓魄映  
清池風止浮光靜  
波搖素影歌山河  
凌澗漾蟾兔浴漣漪  
露隨鷺鷥夢  
莎寒眩鷺窺  
天遠瓊宇  
迥雲外玉簫遲清味  
誰能識長吟康節詩

梅徑香風



寒鱗生曲徑玉樹散清芬輕颺橫斜影金披落莫雲吹簾  
聞馥郁拂座見氤氳幽鳥憐香雪遊人愛夕薰冰花晴款  
款露蕊曉紛紛早結和羹實金盤薦聖君

禪庵古蹟

山麓古禪宮淒涼見舊蹤菱池蛙吹開石砌蘚痕封香閣  
蒼烟暝祇園白露濃已無僧出定時有鶴巢松古磬埋衰  
草殘碑卧斷蓬誰當再雕飾登覽得從容

金嶂曉雲

翠嶺倚層霄祥雲向曉飄輕籠瓊島樹潤滄玉田苗捧日  
舒華蓋後龍曳絳綃連蜷時度壑天矯或成橋黛色晴如  
滴嵐光晝未消為霖端有望四海正枯焦

絳綃見東坡  
昭靈侯碑

軍峯齋雪

危峯寒翳歛天際玉嶙峋一柱擎晴漢長河落曉旻光搖  
書幌曙影晃畫樓春玄圃琪花爛貧家緇袂新松巢迷鶴  
窠茅屋起龍鱗預喜西華年慶謳歌祝聖神

烏石層巒

層巒翠重重峻嶒聳半空近分金嶂秀遠壓玉山雄亂石  
玄圭積懸崖黛碧崇泉飛春澗滑霞映曉林紅佳氣參差  
外神光杳靄中儲靈生俊傑元不讓衡崧

南田晚渡

林外斜光暝沙頭短棹忙迎風舷屢叩膠淺楫齊揚三老  
繞迴舵群樵又喚航歌聲聞款乃帆影見微茫棲鷓頻驚



起游鯢亦遠藏往來思濟險莫遣繫垂楊

輓嚴即中憲母

窈窕名家媛閨門藹德音米蘋共婦道斷織感夫心恪孝  
尊章重謙慈姊妙欽鳳雛嗟未長鸞影悵先沉芳草埋珠  
珮浮埃掩繡衾庭凄凄曉露原栢鎖秋陰懿德生前著  
恩波沒後深鳳冠我夏程 龍詰濕泥金啼烏悲春檻愁  
雲起暮岑賢郎腸斷慶風急樹蕭森

倒馬關

漢代飛狐道今朝倒馬關危峰臨晉甸秀色接燕山倦翻  
飛難度羸驂去復還秋高笳吹急月冷柝聲閑路控八盤  
阮溪流九折鸞鷄鳴紅樹裏人住白雲間牙帳衝烟濕金

戈過雨斑戍兵勞校閱及征厭躋攀烽火通荒徼塵埃變  
壯顏何當歸報 命玉陞遙鷄班

過李都運故居

都運景陵李公積善清慎君子也歷官二十餘年田園  
不增尺寸茅屋數椽僅蔽風雨而妻孥無怨色予過其  
家為之感涕因賦長律一章以述公德而寫予哀云

奕奕靈宗遠汪汪雅度寬黃堂賢別駕粉署老郎官清氣  
金莖露芳聲楚畹蘭姓名聞輦下 寵命出朝端國課常  
先足醴丁亦自安心公察宋服政簡吏民歡 北闕方趨  
觀東門又掛冠兒童隨去旆耆舊擁歸鞍楚甸俄聞志吳  
山遽蓋棺異鄉魂杳杳旅櫬路漫漫節操追前輩儀刑益



後觀薄田臨河澳老屋枕江干  
萬嶺松雲瞑堂封草露寒  
晚風吹鼓子清淚不勝彈

太師定興張忠烈王既葬嗣子英國公懋以宗伯  
丘先生所作平交南錄勒石墳前未幾隧道產芝  
一本人以為忠孝所感

聖代開 昌運名邦產偉人  
氣鍾高洛秀材軼鄂褒倫授  
鐵燕山曲宣威瀚海濱  
雲隨征騎動雪晃戰袍新  
紫塞咸歸款烏蠻盡效珍  
疏封名數重放祿寵光頻  
狂獠侵南鄙天兵出粵垣  
先機弘將略不殺體皇仁  
鵝鶴誠關隘 樓船富水津  
警訊來靡靡象陣走踈蹤  
仗節誅兇豎飛章諭叛民  
窮邊皆感化凶谷繼回春  
畧地過銅柱班師覲

紫宸節旄加將校錫賚逮宗姻  
史閣監脩日 經筵侍講辰  
豈徒燕節制更喜展經綸  
虜闕周方叔憂勤漢祭遵  
臨戎常暨暨接士每中中胡馬  
俄南牧 皇輿又北巡  
逝將殲頡利志欲殄軍臣  
殺氣凌孤壘腥風鼓戰塵  
平生思殉國此日竟捐身  
錫爵分玄社銘功勒翠珉  
殊恩宜世享喜應亦駢臻  
隧道平如砥華芝爛若銀  
潤含晨露重色映曙霞勻  
齋室歌靈瑞新豐表孝純  
慶源方混混奕世盡麒麟

集淵明句輓吳處士

自古皆有歿此語真不虛  
伊人亦云逝精爽今何如  
少時壯且厲委懷在琴書  
誤落塵網中斬與園田陳  
園田日夢



想息駕歸閑居長吟掩柴門棲遲固多娛翳然棄化去壑  
舟無須更寒華徒自榮深谷久應蕪荒草何茫茫時時見  
廢墟人生無根蒂終當歸空無念此懷悲悽言盡意不舒

集句送羅上舍

驅車上東門遊子暮何之親昵並集送恨恨不能辭丈夫  
志四海不得中顧私及時當勉勵濯翼凌高梯惟念當離  
別思心常依依仰觀南鴈翔音響一何哀起坐彈鳴琴中  
心愴以摧嘉會不可常執手將何時撫心長太息泣然沾  
我衣願言崇令德以副飢渴懷安得凌風翰送子俱遠飛

集句輓泰和蕭隱君

生在華屋處終復委山岡百年誰能持人命在朝霜眷言

懷君子零淚沾素裳平生有壯志一旦異存亡慘悽歲方  
晏祖載發中堂潛謀黃泉下仰視白日光欲歸路無因四  
顧何茫茫茫茫終何之封樹已荒涼北風聲正悲飛鳥遶  
樹翔自古皆有然哀哉亦可傷吾欲竟此曲長嘆不成章



丘文集卷之二十一

叔丘文集卷之二十二

詩

五言律詩

輓徐僉憲父母

二首

澄潭嘉遯處雲樹鶻幽居歲數頻捐粟鄰里每赴閭春歸  
雲榻冷月落夜臺虛窳刻中郎筆文光照故墟

靜菴鐘磬質窈窕播微音象帝無矯習熊丸見苦心斷機  
蛛綴密荒砌蘚痕深繡豸焚黃日愁聽莎屺吟

夜坐感懷

獨坐無誰語寢燈伴寂寥  
弊衾愁夜卧疲馬怯晨朝  
往事嗟何及新憂鬱未消  
何當解鹿鞅泉石自逍遙



輓張貞士紀 新會人

之子南州彥觀光到日邊未承 黃屋問遽作赤城僊塵  
暗呈親卷雲寒坐客擅阿咸扶旅櫬歸路淚潸然

輓會稽陶懷祖父母 合葬鳳巖山

偕老世應少借賢古亦稀鹿門方共隱鳳效忽同歸窻月  
窺殘帙庭萱泣斷機孝孫今今伯清淚不勝揮

輓大理卿王公宇 二首

正氣鍾河嶽芳聲播縉紳民歌清白吏 國重老成人素  
蘊嗟方展清標恨永淪寒廳空畫瑟行道共霑巾  
相聞槐堂遠儒宗洛學傳俊文宜擢 睿藻材足贊  
皇猷舊舍且崇老新坐密草秋清名知不朽高碣照林立

游鼓山次王一僉憲韻 二首

鷲嶺幾千仞登臨眺八方瞻天拱 北極望海見東洋嵐  
藹晴浮碧天花曉雨香莫愁歸路暝明月在山陽  
花梵鍾聲遠莓臯石徑微山花晴墮几泉沫冷沾衣香閣  
僧眠穩懸富客到稀來遊愜清賞日暮未言歸

谷洋公館次尹亞參韻

石徑烟蕪綠行行且轉迷雲深田蛤吠雨歇竹鷄啼流水  
聲銷玉橫橋影卧霓欲窮登覽興殘照墮林回

獅峯寺次景澄韻

象宇臨幽境猊峰竦異形松雲侵榻冷竹露隨衣青唳鶴  
驚晨鼓啼鶯亂畫鈴傳車問民瘼淒楚不堪聽



輓高時旭

蚤負青雲器才華衆所憐終童徒有志賈傅却無年宿草  
迷孤壠浮埃掩素絃鳳雛今已長振羽 五雲邊

夢中詠珍珠李

成化戊戌秋予行部至荆門夢人贈予以嘉樹高可尺  
五素花碧實葉光澤如沐植以甃盆予問此何樹答曰  
珍珠李也予因賦五言近體一章既覺忘其第七句因  
推上下文意足之時八月廿六日夜也

天上三株樹移栽傍玉墀素花晴綵綵翠實暖離離不受  
風埃污偏承雨露滋江梅同氣味調鼎豈終遺

安陸道中見老馬僵卧為之慨然賦二律紀之

龍媒天既種老去力何衰霜重銀蹄裂天寒玉筋垂華陽  
懷茂草汗隴想青池十里心猶在駑駘莫浪欺

又

壯歲從飛將橫馳北戍邊暮營嗚咽水曉飲鷓鴣泉曾逐  
烏騅死仍驅赭汗旋風霜筋力憊僵卧楚山前

宿普門寺次都憲副韻 四首

畫壁丹青古祇園竹樹深花香來別磻松翠墮危岑雲暝  
龍歸鉢天空鶴度林老懷清似洗不愧古禪心

又

鳴騶過谷口遙望梵宮深弭節穿金澗雲霞度碧岑鐘聲  
晨出壑錫影暮歸林坐覺諸塵寂惟餘水月心



又

寶刹新啓日 賢藩寵倍增  
沉檀放內帑 衣鉢屬名僧  
清梵和天籟 禪心映佛燈  
虎丘推勝境 空有塔層層

又

一宿空王宇 懷然百感增  
素餐慚省職 高卧羨山僧  
問俗晨紆轡 觀書夜對燈  
故園何處是 高峯透碧雲層

商王河曹田廟

書有河曹田廟今亡

遷國啓雄圖 遺靈食舊墟  
明禪來郡邑 禱賽走樵漁  
德業三宗後 丹青百禩餘  
樂天嗟已矣 誰為補亡書

白樂天嘗補湯征篇

書天寧寺壁

聽訟來彰德 星軺駐上方  
蒲團花雨潤 石竈芋烟香  
古塔

棲秋鷓空階 咽暮蟬雙槐  
行坐處人說似甘棠

魯山曉發

曉發魯陽城 城頭月正明  
花驄衝宿霧 玉節映疎星  
茅店客猶睡 荒村鷄未鳴  
寒帷將問俗 不為看山行

江燕 二首

江燕何微眇 飛飛到汴城  
開情同野鶴 巧語愧林鶯  
掠水臨瓊澗 營巢託彩楹  
夜來風雨惡 歸夢遶南榮  
日麗芹泥軟 風清杏雨收  
烏衣辭故國 紫閣結新儔  
樓傍麟臺穩 飛穿鵲觀幽  
群鴉休側目 無意競橫秋

宮詞

繡閣香風暖 珠簾曙景遲  
倦吹青玉管 愁詠白華詩  
清漏



驚宵夢流鶯動夕思羊車幸何處塩竹謾紛披

武寧關書事 四首

奉 詔遠行邊雙旌拂錦韉陣依魚龍法謀用豹韜篇草  
滿蜚狐塞沙填飲馬泉功成何所願遺像畫凌烟

又

曉度黃花嶺輕裘冒薄寒笳聲驚鳥宿馬旗影走長蛇孤戍  
烽初暝陰崖雪未乾何當擒頡利奏凱拜 金鑿

又

群峯環拱處截嶽峙關城北近戎王壘南連漢騎營風高  
懸旆裂雲暗凍鼓鳴試數防邊將誰如李北平

又

鳥道縈孤嶂渾函未足多馬肥秋山獵士飽夜聞歌殺氣  
浮朱戟寒光晃玉珂先聲聞漠北驕虜自投戈

歸田述懷

謝病離 天使山田自墾荒蛙聲占水旱鷄骨卜災祥春  
釀黃柑美晨羨紫蕨香閑居多樂事洗硯寫新章

次貳守陳一夔韻

歸來盱水上花竹有餘歡種秫堪為酒無愁勝作官知心  
元不易經世亦良難風雨蕭蕭夜茅廬卧正安

長門四時詞 四首

菡石鶯聲滑玄墀柳色新枯梢皆轉綠寒谷盡回春對酒  
承和景鳴箏拂素塵自憐哀陋質不得侍芳辰



高樹陰雲散深宮暮景涼波添鷓鴣浴風送芰荷香複道  
知天近重城覺漏長抵愁新浴處誰與試蘭湯  
鴛瓦霜華重龍樓月影圓自嗟妾命薄敢嘆王恩偏擁髻  
悲前事含頰數昔愆沉思統扇句得似綠衣篇  
天冷肌生粟風清玉散花含情歌白雪適意薦流霞展轉  
翠衾薄低徊玉筋斜君王求故劍何日遣皇華

謁先壻 在桃竹坑

先塋西澗曲空樹苑穆穆每值澆松侯長懷薦藻心江山  
涵秀色桃竹起清音為語諸兒輩當知世德深

六言絕句

漢川分司偶成 二首

天外凄迷急雨江頭潏沔奔流盡日無人喚渡濟川閑却  
扁舟

吾道將行有命斯文未喪由天休信實家言鷓鴣試聽蜀嶺  
啼鵲

郵亭偶書

古渡平蕪細雨長其垂柳輕烟詩景滿前堪畫客懷何事  
悽然



板立文集卷之二十二

板立文集卷之二十三

詩

七言古詩附長短句

題東坡遊赤壁圖

長江西來遶赤壁山色蒼蒼江氣白黃岡遷客入中仙  
傲睨江山如戲劇笑吞山月吸江風羈愁肯使嬰吾胸  
扁舟夜泛赤壁下文光下燭馮夷宮湘陵歌兮河伯舞  
川后山靈相尔汝同遊一客非時人想是元之與文舉  
酒酣飛上千仞峯呵叱虎豹鞭虬龍倏然獨立風埃表  
俯視塵世皆沙蟲洗磨折戟認前代一炬東風昔稱快  
英雄不數曹與孫况復周郎與黃蓋江空月落高枕眠  
夜深夢到蓬萊巔



橫江孤鶴來何許似欲載我歸釣天洞簫聲斷客已去起  
望三山渺烟霧空餘兩賦在人間星斗燦煌垂萬古

題祖述聞雞起舞圖

洛陽雙鶴飛神天兵塵頃洞如雲烟將軍雅志翊皇極聞  
雞起舞心茫然晉陽有聰趙有勒豺虎憑陵恣殘賊中原  
大半染腥膻誰向河南剪荆棘嗚呼夜半荒雞鳴情知此  
聲非惡聲披衣慷慨拔劍舞英氣耿耿摩蒼冥一舞龍光  
競揮霍眼中已自無屠冬再舞頓挫騰雪霜欲殄鯨鯢清  
朔漠可憐瑯琊無遠圖設覆天險保三吳將軍氣欲吞胡  
羯渡江擊楫聲嗚嗚屯兵雍丘威赫赫羯賊破膽頻敗北  
關河醜類盡來歸誰沛遺民咸仰德兩京未復功未成妖

星夜照鎮西營天不祐晉將軍歿千載英雄長涕零

題明皇秉燭夜游圖

沉香亭上鳥飛速歌吹未終宮漏促歡娛不足可柰何夜  
遊更秉西園燭銀盤萬炬照天紅恍如赤日行晴空更將  
羯鼓催花柳共言聖主真天公太真娉婷奉卮酒願上大  
家千萬壽隋家天子放流螢燿耀微光詎能久伶官再拜  
前致詞祗今四海皆熙熙將有祿山相林甫聖人不樂復  
何為念奴高歌八姨舞鱗膾駝峰薦雕俎明朝且放紫宸  
朝翠帳醒來日方午金雞帳裏卧猶龍內寵不減昔秦宮  
昏昏醉夢日復夜豈昔興衰在眼中桃林一戰血沒踝薄  
暮不見平安火蒼江西出馬嵬坡驛舍無燈相枕卧斜谷



鈴聲暮雨寒歸來無復舊時歡霜凝鴛瓦不成寐怨對孤  
燈夜未闌

題韓蘄王湖上騎驢圖

張俊封衛王附秦檜殺岳飛又欲分背鬼軍者

錦裘綉帽韓將軍江上淮東屢策勛朝端蒼檜何蒼苑干  
霄蔽日長氤氳高皇未有宣光德指仇為親忠為逆鳥未  
盡弓已藏岳家父子死讒慝將軍連訴解兵權蕭然物  
外如神仙清涼居士聊自命蹇馱時跨西湖邊古槐疎冷  
秋陰薄門巷蕭條可羅雀相隨惟有舊奚僮偏裨盡入循  
王幕路傍下種故侯瓜湖堤携酒看梅花酒酣時過岳陽  
墓潸然長淚落烟霞胡雛忽動南侵志舉朝爭獻檀公計  
黃金不鑄韓蘄王烈士忠臣謾歎欬

題幼安濯足圖

華敬字子魚故借用之

當塗睥睨漢家鼎江左孫郎恣馳騁茫茫九域戰塵飛  
身東適玄菟境黃雲黯黯炎精昏避地且復依公孫公孫  
非有興漢志且詩書聊共論誰云此地東鄙箕子舊  
邦風化美同游不獨邴與王尚友欲追孤竹子猗子猗狂  
事漸非扁舟浮海又西歸尚愁黃塵走吾足寒裳自濯滄  
浪溪滄浪之水清徹底更欲枕流洗其耳水中圍圍疑子  
魚似亦含羞倏驚逝嗟哉子魚身可法昔者為吾友今吾仇  
何當一請尚方劔斷取頭顱擲滄流

題金章宗畫馬圖

混同江上黑龍起雄據中原慕文治欲令頑礪變精金文



物直追周漢美明昌天子世宗孫善書善畫兼善文揮毫  
拂素貌騏驎神妙不數曹將軍龍鬚鳳臆真無比汗血猶  
沾渥洼水汧陽雲錦非不多如此權奇能有幾憶昔武元  
起海東後騎躩躩皆游龍而馳木葉風沙靜南竦大梁榛  
棘空梁王已死陳王幾飲馬泉荒無首宿天閑十二俱下  
材薄蹄秃尾空多肉此圖想是建國初明昌以後此馬無  
北荒鐵騎忽馳驟山後山前草木枯

壽徐主事父母

金雞喔喔華堂曙佳氣葱葱諳如霧鳳笙吹空奏靈鼓五  
采斑斕紛起舞座中仙翁蓬萊客烟烟雙瞳湛秋碧北堂  
況是瑤池仙鶴髮蕭蕭映珠翟餐玉曾傳却老方姓名已  
入丹臺藏 聖皇推恩加寵錫金函寶秘頒明光長庚煌  
煌光照方花底張筵列尊俎新詞唱徹鶴南飛笑吸仙人  
掌中露小鬟吹笙隔雲屏却疑便是董雙成仙家元只在  
人世何須泛海求蓬瀛賢即父著金閨籍翹首白雲歸未  
得願椿不老宣長存年年歲歲承天澤

送族孫屋會試

我家本是韓侯裔散處江南知幾世黎川之隩平西臺著  
笏詩書世相繼舸齋直閣典絲綸先公持憲還秉鈞孰云  
族遠情淺薄恩義不啻同產親吾兄長史尤卓犖輔道  
親藩稱寒謬西江庚午棘闈開我與而翁共騰躍而翁蚤  
歲委秋霜我今歸田髮已蒼瓊枝玉樹喜見汝森然秀出



編書香今秋挾策赴鄉試笑談折取蟾宮桂鄉書傳得到  
山中老眼摩挲為驚視我家諸兒愚且蚩有書不讀惟遨  
嬉一經賴汝傳舊德頰令門戶增光輝凍雲釀雪北風厲  
匹馬凌兢隨計吏莫嗟三陟犯隆寒萬里亨衢期奮翅龍  
門浪暖起春雷還將三策獻堯階瓊林宴罷歸來晚錦  
標前導亦榮哉丈夫立志須遠到一第區區奚足道祖宗  
功德與文章百世休光汝當紹

雙桂堂為秋官李時賜賦

西臺使君人中龍氣酣飛上廣寒宮愛此宮中雙桂樹翠  
韞金粟何玲瓏移得靈根下仙陌素娥含情不敢惜畫蘭  
父砌重栽培日倚胡床玩芳色謝家蘭砌謾馳聲王氏槐

堂未足榮風起似聞環珮響月明恍若蛟龍爭使君二子  
更岐嶷蚤歲聯翮登桂籍仲兮金榜久蜚聲伯也雲衢方  
振翼桂兮桂兮德之符豈同凡木空扶疎炎風苦雨慎封  
植待作明堂構與櫺

題南莊圖壽陳孟祥婦翁

碧梧露冷秋將半南極騰輝照晴漢主家壽日集群真羽  
節颺輪來汗漫主人元是南莊仙五畝青桑二頃田對酒  
高歌紫芝曲焚香細和白駒篇邇來移住金河曲炯炯方  
瞳貌如玉不知遐筭今幾齡但覺添籌已盈屋翠鳳繞  
白鹿烹當筵小玉鳴銀箏東床佳客起稱壽酒酣笑絕纒  
胡纓披圖却憶南莊好坐見滄溟遶蓬島何當跨鶴歸去



宋笑拂扶桑拾瑤草

題張將軍廟

諱飛字益德廟在保寧

軍騎將軍蓋世雄蚤年仗劍從真龍並遊惟許多髯翁俯  
視餘子猶沙蟲曹瞞欺天悖且亮欲移漢鼎歸鄴宮將軍  
背裂髮上衝忠憤凜凜摩蒼穹佐佑昭烈剪蒿蓬威如虓  
虎氣若虹提戈斬級無怛容萬眾莫敢嬰其鋒取荆蕪益  
啓漢中重嘯炎燼光隴隴剖符遂受徹侯封帶礪河山誓  
始終天不祚漢遘禍凶變生肘腋殞厥躬飄然騎箕返大  
空在帝左右佐化工殄戮厲鬼驅蝱蝨嘉陵江上廟宇崇  
吏民薦享誠且恭鳳笙鳴鳴鼓逢逢馳車雲馬紛來降斷  
碑石解何重重誰操巨筆曾商豐光明後憶星斗同功名

何必上景鍾斯文足表將軍忠威靈赫赫垂無窮

送金郎中還南京分韻得辭字

君家兄弟何所擬嫩如玉樹翹瓊鶴伯兮早拜地官郎典  
賦南都政聲羨淑也新擢白雲司籍籍清名滿人耳兩京  
相望若參商冀北江南幾千里覓句春尋芳草池看雲畫  
隱烏皮几伯兮奏最來 皇都叔也承迎多樂豈趨

朝紫陌曉照鑣聽雨寒空宵共被垣筦迭奏肅以雍不必  
清商間流徵歡娛未洽又分携戒行曉逐雞聲起賓朋出  
祖官道傍金卮激灑香浮蟻蘆花飛雪暗長汀楓葉栖霞  
映秋水離亭分手正淒然况復秋空鴈聲唳征車轉麟不  
可留離懷戀戀何時已遙知別後重相思愁看荆花春艸



韓

讀西臺勸哭記留夢炎葉李俱以宋臣仕元貴顯方

吳思齊與謝朔同隱終身不仕

北風怒撼龍舟覆十萬貔貅魚腹廬陵魁輔死燕山頸  
血化為原草綠當時門下多俊材鳥散雲消那敢哭裂冠  
毀冕彼何人俯首官廬食饑粟轅門從事抱孤憤茫觸潛  
行巖瀨曲肯隨留葉立新朝甘與方吳卧空谷溯風直上  
千仞臺采采溪毛薦寒涼歌殘楚些招不來蕭瑟寒飈振  
林木仰天長慟天亦愁山鬼驚啼猿踟躕久青樹下頻往  
還淚眼摩挲望天目鳳逝龍亡玉氣消日暮驚鳥止誰屋  
寒棠幾度濯江濤尚恐胡虺澆吾足帝曰巫陽汝下招促  
駕青虬歸玉局饒歌詩吹世空傳月表未成竟誰續毅魄

雖理神不沒仙遊想在又山麓相逢握手共款飲細論幽  
亡淚如掬浮雲倏忽風中燭忠義十年有餘韻歸然養家  
釣臺東我欲乘風真醺醺

題鄭氏齊壽堂分韻得彩字

三神之山渺何在負嶠方壺峙瀛海華堂誰築山之顛雲  
氣連蜺浮瑞彩堂中偕老地行仙雙頰如丹雙鬢如翠行  
真為當世師靈宗况出前朝宰平生酷慕王儒仲倚隱山  
中知幾載石田煙波出幾才樹春深結珠蕾祇今遊弄  
踰七旬合樂張送壽嘉會激灑霞觴玉作流芳鮮雕俎龍  
為醢蟠桃花下共持觴載詠周詩歌壽愷賢即元是蟠  
仙剪得春雲供



丹成不必跨黃龍，翔空正相待。

### 蘇墨亭

都水主事山陽君於徐州洪得蘇文忠公題名于亂石中其文曰郡守張天驥詩僧道潛月中遊君洗滌汗垢識為城書昇置其視事之所作亭以覆之翰林學士徐先生題其書曰蘇墨過而覽者咸有賦詠焉噫君之於文忠公之遺墨寶愛之如此則於公之平生風節所向慕者深矣

彭城太守眉山翁雄詞勁節人中龍，叩閭連疏詆新法。一麾來此綬疲瘵，雲龍山人亦超絕。每馭仙禽遊天末，詩僧况復有參寥。耻與凡工比長空，月白玉宇秋扁舟。

月嶺還游壑，襟蕩滌於欲盡。便疑身世在瀛洲，瓊樓貝闕凉如洗。月華倒蘸金尊裏，酒酣俯視塵中人。甕盎醯醢飛復止，醉磨山骨題姓名。金戈寶劍何稜稜，不知埋歿幾百載。夜深尚有虹光騰，多才水部偏好古。得此方珉硯，上土剜苔滌垢識。坡書寶愛不啻岐陽鼓，芳亭彩檻深且崇。壯夫昇來置其中，細觀頓覺心神肅。姿媚豈與黃庭同，吳興墨妙委芳草。學士新題名更好，千年化鶴倘來歸。再與攜詞美莘老。

### 題陰崖舞鳳圖

畫船昨泛湘江曲，江上蕭疎森紫玉。天邊彩鳳忽飛來，羽毛猶帶湘雲綠。陰崖曉霽暖烟消，翠蕤飛舞風脩脩。九疑



凝黛湘波靜林間彷彿聞簫韶黃陵廟前春欲暮鷓鴣啼  
斷班班雨好向虞廷覽德輝碧梧峯峯搏桑曙

題霜林孤鷹圖

霜林搖落秋天迥鷲鳥摩空風力勁大鵬却避狡兔愁老  
樹無聲萬山靜喬柯獨立何雄哉金眸玉爪非凡材健翻  
孤鷲晴雪落老拳怒攫寒雲開荒城古社多狐鼠闕醫荆  
榛肅烟雨乘秋一掃妖穴空萬里寒霄看高翥

白髮行

我昔年方十六七面如玉盤髮如漆玉河堤上脩禊時公  
子王孫皆自失 聖明天子詔興賢詞場早着祖生鞭杏  
花園中會群彥同輩共託人中仙天官掄材官粉署書閱

刑書夜繡素誰云勞悴損容顏雙鬢青青抵如故外臺持  
憲陟微垣北臨汝水南閩山奸氓老吏竊相語使君精悍  
猶董顏一從仗鉞臨冀北漸覺三莖五莖白承 恩召拜  
秋官卿猶牽簪中強半黑云年解紱辭 清朝歸來林下  
自逍遙滿頭一夕垂白雪縱遇春風未易消少時一覽輒  
成誦筆底詞源似泉湧于今百過旋遺忘揮毫不啻千鈞  
重閑中覽鏡空自悲百歲光陰能幾時家人進酒強開慰  
天運如此非人為有形畢竟還銷燼世上應無不死藥何  
須懊惱傷心神知命知天且為樂

題南山晚翠圖

姑蘇才子鳳池仙氣吐胸中常浩然能書能詩亦工畫妙



處徃徃逼輞川不學趙昌畫牡丹金絲粉瓣誇清妍不學  
徐熙畫渚蓮絳綃翠幄映漪漣酒酣放筆恣揮寫崢嶸  
礪天機全墨汁淋漓雲霧濕黛色暝與徂徠連生平抱負  
與衆異勁氣凜凜見豪端初疑晴影落屏障六月颯颯秋  
颼寒又疑潛蛟在素壁帶得寒濤洒四筵畢宏帝偃稱好  
手此圖與之孰後先玄都障子未復見三絕令人懷鄭虔  
我昔見松武侯廟龍虎攫擊錦水邊又嘗見之晉山麓屈  
鐵交錯森戈鋌歸來對此為動色摩挲老眼思昔年固知  
畫者有深意畫中有意誰能言亭中有若橋與梓並立雲  
際擎蒼天異材自合棟清廟何事老棄荒山巔繁柯亦足  
備榱桶匠石未遇空連蠹吾

皇聖德邁姚姒將建明堂招俊賢林間樸樾尚收拾况  
異材乃齊指我家季方愛此畫不啻弘璧出藍田寶藏  
閣遺孫子肯數米家書畫船臨風更招杜陵老和我南山  
晚翠篇

三臺懷古

長安市中歌布乎關東盟主推本初帝冑崎嶇西入蜀孫  
郎慷慨南吞吳奸闖遺胤最桀黠奮戈頓地欲裂黃雲  
條起蜀長空躡躡炎精竟淪滅輕車勁卒入郾宮袁家豚  
尺走遼東燕姬趙女了無失祗留姬已歸周公三臺高築  
漳河曲勢擬未央與天祿璇題翠華在何處  
王屋身都冀郡帝許昌時來奉命出師  
孤似孤



媚私心卻欲擬文王成濟拙老  
總惟艷骨已成塵至今惟有  
采弔古增歎歎欲呼斗酒招  
文舉共論曹瞞弱漢時

壽俞進士母

光風吹綠瀛洲草玉樹瓊芝  
遶庭好比堂清書壽筵開青  
鳥雙飛下蓬島座中阿母西  
池仙霞光滿面霜滿頭庭前  
八子皆秀好就中一子尤稱  
賢去年對策金鑾殿黃封  
曾醉瓊林宴今年謁告  
故鄉正值高堂氣葱蒨倩天香  
兩袖宮袍碧起舞尊前勸雲  
液但令阿母一開顏不管烏紗  
漸款側宜男花暖春正長鳳  
翎鵲嘴含晴光願祝慈顏似  
花好年年此日薦霞觴

題金人出獵圖

陰山寒飈捲晴雪白草蕭蕭  
凍欲折戎王校獵曉合圍萬  
騎蹴水如蹴鐵狐裘狐帽紫  
絨條上凌大磧下深壕虜騎  
咆哮聲震地毛群無計可潛  
逃駕鵝戛戛來何許一片晴  
雲蔽天宇海青直上鷲且雄  
頃刻平蕪洒紅雨紛飛鷓鴣  
與鷦鷯雨血風毛墮獵場群  
酋獻獲戎王笑割鮮野食駝  
蹄香金輪半隊西山缺鏡管  
嘲轟向匣脫解鞍繫馬未肯  
眠笑擊黃獐飲其血白旂忽  
動幹難河猛士更比金源多  
柴潭已涸蔡州破狡兔雖肥  
柰尔何

秋夜搗衣曲

高梧露隨銀床冷宮漏沉沉  
夜初永碧落無雲月正中樓



臺滉漾玻璃影輕移芳筵下空庭未拂瑤砧已愴情玉腕  
徐揮搗寒素于東寫出斷腸聲非絲非竹亦非木碎珮繁  
鈴斷還續壯如巫峽瀉春濤清似寒溪漱鳴玉商聲嗚咽  
徵聲悲散入秋空遠更微公主辭唐嫁回紇文姬歸漢別  
胡兒乍沉乍振聲尤苦顧影無言淚如雨嚴陵其室上吳孤  
臣白傅舟中泣商婦砧聲轉急愁轉深柁烏鷺起啼霜林  
長風吹入征夫耳應識香閨悵望心玉杓斜指天將曙傳  
杵淒然倚庭樹却愛蓮塘水不波雙鴛交頸眠香露務

樂樵隱畫虎

山人采樵慣識虎畫虎于今推獨步吮毫濡墨欲畫時猛  
態姿宛如覩抵今畫者多擅名往往紛紛墨肖其形孰如

此圖造神妙顧盼凜凜寒風生原田每每群豕暴曷不為  
我盥其腦黍稷與與歲有收田豕從茲迹如掃城狐社鼠  
為民憂為我搏噬無復留村疇稱快共歡笑雞豕成群散  
不收嗟哉此圖真可愛魑魅逢之應自敗羗兒牧子懾餘  
威藜藿滿山那敢采

題獅子圖

蒹葭之域弱水濱金精下降毓怪珍偉哉此產此地雄  
姿猛態夔絕倫雙睛睒睒電流赤勁爪鋸牙食肉斃空山  
怒吼轟春雷百獸聞之皆辟易飢來不食肉豈能搏犀拉  
象如孤狔幾迴飢飲龍門涖積石半露路餘波潭  
聖皇端拱位皇極月窟水天皆仰德荒夷得此不敢留繫



以金繩獻京國脩途萬里經流沙群動懾竄不敢譁尾端  
尚帶昆侖霧口角仍含葱嶺霞彤軒文陛龍睛旭遙望  
龍顏自馴伏低頭安尾體態閑黃毛蒼鬚絢人目  
皇威遠被萬國寧長楊靈囿多祥禎獅方獅方斂鷲猛長  
與騶虞作隊行

題桃源圖

咸陽鹿走群雄起河北山東多敵壘楚鄉耆舊獨知幾避  
地移家阻烟水烟水茫茫別有天塵寰疑是地行仙誅茅  
剪棘初為室引水開渠漸種田老翁侵晨放雞鷄稚子乘  
春藝桑竹無刑無賦無追呼淳風自是羲皇俗兒孫更抱  
日相親酒食時常會里隣桃花隔斷人間路不識西風有

戰塵漁郎鼓棹來何許鏡引歸家具雞黍當時祇記有秦  
皇此日方知為典午水流花謝路榛蕪誰把仙源託畫圖  
雲山有路如可訪擬辭家住卜居

十樓懷古

黃樓 在徐州

黃河西來坤軸折濁浪排空天欲裂彭城老稚哀啼自  
分闔門作魚鼈仁明太守眉山翁誓以隻手障其衝指麾  
徒旅荷斧長堤隱起如晴虹波恬浪靜民安堵共喜更  
生歌且舞九重下詔修殘嘉拯溺禦災非小補飛樓高壓  
城之東張筵會客何雍容後山作銘頌瀆賦筆力直與造  
化爭瓌雄神遊八表知何處贏得空碑照今古當年舒李



今何如羈鬼啾啾泣雨

竹樓

在黃州

黃岡使君文中虎勁氣英英隘寰宇而清東觀莫容身又  
擁朱轡守江渚江雲山雨晝冥冥使君對此若為情驚濤  
厭見蛟龍舞老樹愁聞猿猴鳴平生才名冠當世每吐忠  
言禪國是哆咭竊笑奸諂排一身南北長如寄使君知命  
不解愁竹樓突起江之陬笑呼斗酒酌前哲風帆沙鳥任  
沉浮仙遊今在蓬萊島陳迹荒涼淒蔓草我來不見樓中  
人自酌寒泉薦蘋藻

燕子樓

在徐州

彭城城下汲水流弭棹江皋訪燕樓畫簷綉拱杳何許但

見衝烟掠水雙燕愁憶昔南陽張僕射文武兼資擅聲價  
隼旟龍節蒞名藩赫奕威聲震東夏貞心嫖質關家姬妾  
容冠世無能詩明珠買得侍尊俎擊毬張宴常相隨曲房  
邃閣歡未足豈料清歌成慟哭從茲但詠栢州詩不唱秋  
娘金縷曲十載樓中只獨眠霜晨月夜淚涓涓却嗟老大  
潯陽婦忍抱琵琶過別船

黃鶴樓

在武昌

黃鶴高樓渺煙霧黃鶴飄飄不知處我曾凌風登此樓但  
見蒼茫漢陽樹我聞羽士徐佐卿化為黃鶴朝太清雲衢  
偶爾中金鏃戛然驚飛入杳冥錦袍仙人昔曾到醉眼摩  
挲睨晴昊倚闌招鶴鶴不來槌碎瓊樓委荒草樓前大別



高崔嵬樓下長江滾滾來仲謀孟德今何在空遺陳迹後  
人哀我本芙蓉城裏客謫在塵寰歸未得月明黃鶴倘來  
歸便欲乘之溯空碧

岳陽樓 在岳州

飛樓百尺壓城上坐看長風掀巨浪澄湖周迴八百里兩  
態烟姿千萬狀倚闌一眺心茫然三湘七澤來自前欲呼  
湘女一鼓瑟更起靈均細問天我懷文正高平老後樂先  
憂古今少廟堂密勿能幾時遽遣行邊迹如掃又懷武穆  
岳將軍用兵決策如有神樓船剪寇來此地功成乃不保  
其身英雄已矣不可問斗酒那能散孤悶欲乘玄鳳上九  
疑還就重華訴忠憤

庾公樓 在九江

庾樓昔日瞰江渚高棟危闌撼風雨年深傾圮成荒丘月  
冷蘆汀啼杜宇庾公蕭洒清談入連輝椒掖秉國均寡謀  
輕啓歷陽釁臨難鼠竄私其身冠平尚希免誅殛猶秉旌  
搖鎮南國神州未復羯虜驕擁衆何當剪仇敵當時參佐  
殷謝徒嘯詠風月無遠圖樓中開宴揮玉麈志識僅比牧  
豬奴九原冥冥不可作雲散大虛水歸壑廬山飛瀑和雨  
來似為元規洗餘惡

建國樓 在大梁

銀槍已降鐵槍死建國樓傾土花紫午溝王氣澹秋烟始  
信大原真有子唐家季葉如亂蓬茫碭雲深蛇化龍初後



劇盜旋納款授節賜名恩寵隆西推強晉東遷洛雪滿紇  
干凍死雀窮竟極惡甚阿瞞况復墻茨恣淫樂氣及惡足  
誇成功翬飛傑閣凌蒼穹封丘門外晉王至阿兒血濺雕  
楹紅惜哉未按王敦例剖棺戮尸示當世何人獻諂誤莊  
宗欲借太阿斬全義

文選樓 在襄陽

漢江綠遶南雍州敗瓦頽垣江上頭堯兕投擊焚相語云  
是昭明文選樓昭明好學無與比闡難肯效諸王戲古今  
作者浩如烟欲選雄渾垂萬世旁搜陶謝曹劉詩細閱班  
揚賈馬辭明珠溢自取照乘夷玉在序收懸藜江離沅芷  
萃靈囿亦有殷蕢及周曰誰云小兒強解事作者籍之傳

不朽江陵典籍亦已多七官文字勤搜羅當時不作選萃  
計化作飛烟柰尔何

柴潭樓 在汝寧

金源立國雄且武賤宋穢遼跨中土豈知中葉漸陵夷虢  
闕馮陵有蒙古燕京南遷到汴京花帽不守杏花營黃河  
已失合達死猶欲假息懸孤城縣額額近荆楚京湖亦  
有復仇舉長圍已合效魚龍癡心尚恃柴潭固柴潭樓下  
碧漪漪上有伏弩下潛螭一朝決之入汝水螭亡潭涸竟  
奚為幽蘭軒中苦復苦分取遺骸藏宋園當年忠烈冠華  
夷惟有忠臣勿斜虎

籌邊樓 在西川



元和相國有賢子仗鉞擁麾鎮西鄙朱甍翠瓦構危樓微  
外聞聲盡風靡樓中粉壁圖江山南樓羗燹而吐蕃不須  
聚米著形勢阨塞盡歸指顧間維州向化首米服凜凜威  
聲震殊俗可憐相府如成功執送蕃酋送殘酷誰為此策  
奇章公不恤國是心匪忠馬公反復義利辨此論未知吾  
不從雄姿偉略今安在髮髯冉冉青見風來忠貞世篤能幾  
人獨立風前增感慨

題畫虎圖

長林有獸雄且威非熊非兕非後視月明一嘯陰風起群  
獸膽破爭奔馳平臯曠野開縱步愁殺山中狐與兔銛牙  
鉤爪動敢櫻晉國休誇有馮婦松坡隱卧淵噬開芻牧莫

良可畏犀象相逢皆喪氣良士畫此向高堂雞犬遙瞻俱  
駭避君不見窮邊仗械有虎臣匈奴遠遁無烟塵又不見  
周廬陸戰有虎旅百辟趨朝敢迴顧壯哉此獸真軼群云  
章霞彩負奇文莫言勢為猛非所貴象馬猶能破宋軍

海屋添籌圖壽壽徐進士父母

華月映綺疏長庚耿銀漢高堂抱竹何煌煌云是佳辰屆  
華誕堂中二老仙者流碧瞳燁燁明清秋不知甲子今幾  
百但見海屋頽添籌鳳為膏身龍為醢錦帳銀屏爛雪彩  
綠華起舞飛瓊歌誰道蓬萊隔瀛海諸郎濟濟玉雪姿盡  
是天上麒麟兒就中一子稱白眉春風射策登



彤墀子弓孝以忠親之榮且壽作傳宜納石室書盛事後  
來世稀有

過雞冠隘弔曹將軍

將軍諱友聞舉進士調天水教授會蒙古攻城糾合義  
兵拒之虜解圍去制置使制大旗書滿身膽以表之且  
檄空扼蜀口有功累遷驍衛大將軍已而蒙古合女真  
吐蕃回紇之兵五十餘萬入寇將軍與弟友萬拒戰于  
此虜死傷無算血流二十里救兵不至兄弟俱死于陣  
全軍盡沒無一降者嗚呼烈哉

曹將軍素號關帥關稱爲滿身膽橫戈躍馬剪天驕赤霧

滿空天氣慘胡塵頌洞鐵椎青野原頭萬騎來漢川士

女走失魂嬰孺棄擲聲甚哀將軍慷慨髮上指兄弟齊驅  
誓同死右持龍劍左蛇矛斬刈群胡如斬豕雞冠隘口血  
成河健馬強兵來益多風暴雨急虜氛惡天不祚宋將柰  
何喧呼動地地欲裂凍鼓無聲寶刀折綿裘濕透足難移  
猶奮空拳抗胡羯虎倒龍顛互啖吞山川震眩腥霧昏罵  
聲愈高頭已斷怒氣勃勃如生存君不見呂家兄弟忍降  
虜遺臭至今誰比數將軍死去三百年赫赫英名照今古

題尹內翰家山圖

南山凌蒼蒼真北山屹絕壁羨人愛山佳山中恍似當年謝  
安石清溪一帶綠桃花春流澗漾蒸紅霞漁郎到此驚鷺且  
喜祗疑誤入仙人家草堂數間陰翳蒼不知是美人請畫畫屋



清峰當戶開秋渠飛瀑紫林漱寒玉一從獻策來

三都西清吏觀恩寵殊長揚不奏子雲賦石室還紬太史

言閉來却憶釣游處桑梓迢迢隔烟霧舊時猿鶴今何如

應怨山人不歸去何人寫此家山圖長林遠岫春模糊墨

雲翻空太陰黑妙筆直與造化俱山腰小徑僅如髮細看

尚恐云花滑斷崖老樹杳冥窺似聽孤猿啼夜月寒予舊

住金嶂西別米方草應萋萋對此新圖憶立壑歸心便遂

秋鴻飛人生無如歸去好莫使山中迹如掃何當訪予三

顧山共荷長纜洽瑤草

賦得君馬黃鵬鏢憲使

君馬黃鵬我馬白君馬紫絲幘我馬黃金勒榕城雨霽炎埃

清聯鏢其出城南陌城南綠陰涼似洗下馬班荆話博音

君才卓犖非尋常蚤我金龜承 恩光西登岷峨北太行

鷲軍所歷飛秋霜閩山千里海為疆 帝遣侍臣撫疲甿

青眞空闊孤隼翔當道無復豺與狼往年玉節臨上杭罷

廳瞻破校穴荒去年樓船泛東洋支祁帖耳海若藏才名

藉甚范與張薦剡如雲上廟堂詔遷憲使總其綱驟馬行

行過故鄉到家未詫銀黃好且喜堂中親未老赤麟為脯

玉為漿絲服承歡母草草交游似我情最親鷓鴣花同醉曲

江春聞君峻雅喜欲舞惜君遠別還成頻兩情繾綣何時

已且拚一醉綠陰裏驪駒歌罷玉鉞空秦天指三山暮烟紫

君馬去我馬歸明朝兩地遙相憶滇雲閩樹同依依



見燕憶兒來鳳

去年燕來時吾兒歡笑牽我衣口誦差池頭頭句婆娑庭  
下看雙飛今年燕復至吾兒嗟已逝梁間空燕呢喃不  
見兒來堂下戲燕兮秋去春復來吾兒一去不再回沉思  
弱質今何在芳草寒烟翠作堆草色青更青我心苦復苦  
不獨聞猿堪斷腸見燕傷心淚如雨

明妃曲

在瓊州坐陽縣相傳即昭君生長之地

寧胡關氏漢宮女為國和親嫁驕虜檀車軋向陰山回  
首長門淚如雨黃沙白草路漫漫蕭瑟驚鷗徹骨寒萬縷  
幽懷共誰語鵲絃彈罷淚闌干身輕豈不如飛燕十年不  
覩君王面姿態未必慰子夫更衣不得承歡娛妾命薄妾

自嗟承恩元不在絕色辜負春風滿而花寄聲良娣與昭  
儀莫惜黃金贖蓋即昭陽隆寵繫圖繪冠世姿容誰得知

題泉州福寧道歲寒三友

淇園此君最瀟洒孤高不是悠悠者同心況有五大夫鐵  
幹銅柯異檉檀羅浮仙子亦清真縞袂珠冠不泥塵相逢  
共結歲寒友肯同群卉競芳春莫學隋堤柳搖颺春風能  
幾久莫學董澤蒲弱質迎秋半已枯炎風苦雨慎相保過  
眼浮榮奚足道他日棟明堂奏清廟 帝鼎和羹風味好  
共持貞潔應時需不負生平冰雪操

讀余玠遺愛碑

蒙古入蜀殺戮幾無噍類余玠以龍圖學士帥蜀據險



築城蒐兵養士通商勸農蜀人始有生意時宰信偏裨  
之諸嗾臺諫論其罪召還竟以憂憤卒其卒也蜀人哀  
之如悲親戚玠死未幾而蒙古長驅取宋矣眉山黃大  
有作玠遺愛碑具載蜀受禍之慘與玠再造之功視宋  
史亦詳予讀而悲之賦短歌以識其事嗟夫士君子懷  
忠死節而困於讒口者多矣豈獨玠哉

北風蕭蕭戰血腥殺氣書臺吞叢城將軍俯首送降表况  
敢仰視櫻其兵龍圖學士奮戈起隻手欲障橫流水舟家  
兄弟亦英雄厭策魚山築高壘連雲戰格控黔中鐵馬金  
戈氣勢雄胡兵神帆不敢近兩川再造伊誰功青繩紛飛  
燕白壁臺諫承風競排擊指忠為逆逆為忠志士含冤氣

填臆萬里長城忽自摧蜀中士女空悲哀偷從此路吳  
甸金闕瓊樓起戰埃招賢亭館今安在尚有殘碑紀遺愛  
欲持杯酒酹忠魂彷彿雲間見麾蓋君不見馬伏波蠻兵  
未破謗已多又不見岳武穆狂虜未誅家已覆功名自昔  
保全難鳥盡弓藏世共嘆江頭廢壘苔花紫千載英雄掩  
淚看

戲彩圖

雪花繽紛墮雲端銀燭飛光消嫩寒華堂簫鼓慶初度仙  
輶縹緲來青鸞九十慈幃七十子此樂人間能有幾子兮  
有子孫有孫玉樹瓊芝紛旖旎曾孫調錦瑟玄孫進瑤觴  
阿兒種種髮如雪班衣起舞何踉蹌一門慈孝誰能並况



復詩書流澤盛天公剪水作瓊花散作華筵表祥慶彩衣  
舞兮日正長虎眉一笑回春陽蟠桃千歲正堪摘碧實纍  
纍清露香彩衣舞兮日將暮兒心一喜還一懼安得長繩  
萬丈餘繫彼金烏莫飛去

十禽言

行不得也哥哥山有羆虎水有蛟鼉鋸牙利爪競塞路仗  
劍欲往誰敢過勸君歸來且高卧苦竹岡頭安樂多  
不如歸去人生多被功名誤宦成名遂能知足自昔惟推  
疏太傅萊公再相老不歸可憐遠謫崖州戶  
蘄州鬼譚論從來多遜耳有言逆耳柰若何罷官遠竄南  
荒死當時諛佞非不多端笏朝堂相天子

脫布袴杵軸已空那得布舊袴綻裂願脫之新袴家貧誰  
與做剥膚椎髓何紛然循吏今無庶叔度

婆餅焦不逢樂歲逢玄枵困倉久空兒索餅啼飢滿屋聲  
噉噉馬糞火中且煨麵敢望當年煉火燒

提壺蘆相携共向黃公壚竹葉青兮秋露白問君所嗜為  
君沽一杯一曲莫辭醉重來愁聽笛聲孤

泥滑滑積雨初晴天又雪泥深路滑雪更寒兩足凌兢盡  
流血可憐馬上誰家郎醉擁貂裘却嫌熱

割節過荒今年飢歉不可當割得節來何所用賣與巨室  
換餼糧只愁野燒茹又盡兒啼妻泣淚浪浪

得過且過知幾安分終無禍風和莫詫文羽鮮雪冷休慙



蘇文集卷之三  
九  
翫毛墮故侯還賣青門瓜相君曾向牛衣卧  
婆娑繅絲繅得五采光陸離織成山龍與藻火獻諸紫禁  
供朝衣祀汾封岱總宜服不須山繭貢萊夷

松坡 為奉新胡處士賦

君不見彭澤門前五株柳搖曳春光能幾久又不見武陵  
溪邊千樹桃落紅凌亂泛寒濤君家住在楚江曲五畝芳  
園數椽屋園中不種柳與桃千箇長松伴幽獨大枝夭矯  
凌蒼冥小枝裊娜當簷極月明恍見蛟龍鬪風起如聞鸞  
鳳鳴炎埃不到清如洗良朋對奕松陰裏樵人偶見苦不  
識却疑便是園與綺斲為餌花為酒不須辟穀求延壽  
高風蕭洒愛出塵彭澤武陵曾有否我亦生平最愛松

魂長遶祖徠峰煩君預掃松間石遲我來訪彈絲桐

三香圖 為白黃門昂賦

蓋宮三仙姝貞姿競芳潔荷年謫降來塵寰化作三花總  
清絕一在落伽峯珠珮瑤環冰雪容一在羅浮下縞袂霓  
裳光照夜凌波仙子奇更奇水沉為骨冰為肌曠然並立  
風埃表回看紅紫俱堪噴前身同住仙宮裏故向人闌敘  
昂季素質元因一氣鍾清芬肯與群葩比江州司馬遺澤  
長巖然三子如三香娟娟叔季儒林羨長公况是黃門郎  
我願三子崇令德留取芳聲垂簡冊西蜀田米重二蘇音  
陵行見推三白

金嶂山歌



魏乎金嶂之為山也披霄從漢吾不知其高但見群山俱  
在履鳥下拱揖拜頰若兒曹或如萬馬競馳驟又若長風  
捲海驅波濤金精峙其南軍山聳其北層崖秀嶺高入雲  
正與茲山勢相敵銀江滔滔遶其趾深涵清兮淺滂白金  
鱗頰尾日游揚或乘風雷變化生羽翼冥潭窟窟深莫測  
下有虬龍卧澄碧若歲旱村翁事禱雨油然雲興霽耳澤長  
松不知幾百年黛色蒼鬱鬱藏靈烟玄猿蒼鹿游其下鷓鴣  
鷺鷥羽其巔綠陰滿地涼似水我欲高卧消煩愴山椒祠  
宇壯且麗云是炎漢之高帝長陵原廟在關中神遊詎肯  
來茲地琳宮碧殿何渠渠乃是釋老之所居相與談空寂  
講玄虛變幻百出誘群愚函香削紙日奔趨石橋大橋蒼

苔滑上有石臺臨水末山頭瀑布非練光疑是陰崖未消  
千古雪東村匝埽多人家平原百里皆桑麻民風醇樸無  
紛華朝耕暮詠為生涯嵩山灑穀差可擬王官杜曲亦足  
誇紫芝赤箭香旖旎雲暖羅生碧巖底采之自足制頰頰  
何用瓊漿和石髓嗟予老病久懸車愛此名山擬卜居何  
用遂良圖結茆三五間種樹千百株看山晨拄笏簪燈夜  
讀書松風瑟瑟似笙竽漱滌壺思半點無雖非午橋莊庶  
幾南陽廬惜哉此志未能遂悵望雲山增鬱紆

祭壽歌為安陽劉宗濶賦

劉郎卓犖龍頭客蚤向 彤庭獻二策白雲司裏久蜚聲  
寵及雙親何易奕往年初拜即官封寶勅龍光貫采虹今



春又錫大夫誥玳首金葩絢晴昊阿翁烏帽錦為衣阿母  
珠冠光陸離顏如渥丹鬢如雪祭壽兼全世所稀黃花爛  
熳秋空香繡幙低垂綺筵盤錯落壽筵開恍似群仙  
宴蓬島最憐膝下好兒郎瑜珥環雲錦裳酒酣踴躍紛  
拜舞左持麟脯右瑤漿賓筵佳客盡珠履笑語怡怡歡未  
已纖歌聲遏鄴其康洞簫吹沸漳河水漳河水長滔滔願  
言榮壽亦如此笑摘西池千歲桃

椒丘文集卷之二十三

椒丘文集卷之二十四

詩

七言律詩附集句

廣庭留詠謝內翰楊先生

鑿坡退直共論文華館從容日又曛  
碧甕酒分仙掌露香檀香裊博山雲  
黃柑錦荔皆珍味玉麈緗編總異聞  
鄙劣每慚知遇厚但歌既醉頌夫君

送徐夏官省親畢姻

珊珊清珮出 彤墀共羨仙郎游  
寵私鶴髮想應 信雀屏更喜協佳期  
絲衣絢日春光好繡幙凝香曉漏遲  
莫向粉榆久留滯趨 朝須及應來時



迂齋次夏提學韻

長佩高冠氣浩然從教人笑便欲持鑿枘同先哲  
竟周容逐少年每歎終南多捷徑豈知涑水有名賢  
庭前磊砢長松老耻共群葩較醜妍

無題和李商隱

宮怨五首一仙興五首

唐李商隱賦無題五首蓋託宮怨之情以寓思君之意  
其引物託興有國風楚騷之旨焉自元以來和者甚衆  
而憲副都君又託之以寓其憂深思遠縉縉之情予讀  
而愛之每韻和二首前五首宮怨子建洛神之意也後  
五首仙興屈子遠遊之意也第恨詞氣萎弱不足追步  
古人耳

風軟耶溪盪綠舟蘭橈桂楫謾夷猶鵲橋露冷來何暮  
吹雲深逝莫留瓊島碧桃偏向暖瑤臺琪樹不禁秋  
相如莫奏長門賦且聽閨人詠白頭

戶外羊車久絕蹤繡衾展轉聽晨鐘心如柳絮飛無定  
似香雲淡後濃春水洲邊吟杜若秋風江上來芙蓉  
魂不怕湘江遠飛遶巫山紫翠重

綺窗香透桂花風夢遶披香別殿東仙島不容羸使到  
天何寧許漢槎通長蛾鎖恨微蠶翠嬌屬傷春淺暈紅  
相憶別來憔悴甚鏡中已見鬢如蓬

緩步西廂待月來笑聲何處發春雷樓中盼盼啼偏苦  
畫裏真真喚不迴鼓罷冰絃添別恨織成錦字惜多才  
妾身



渾似庭前草幾度東風幾度灰  
薄命情知終愛難更堪弱質易摧殘  
雲凝楚岫魂應斷雨  
洒湘筠淚未乾午睡最憐鴛被暖  
夜吟漏覺鮑窓寒  
新愁舊恨憑誰訴  
自展迴文擁髻看

右宮怨

碧海泔泔樣桂舟瀛洲咫尺且夷猶  
龍膏每共方平宴鶴駕曾為子晉留  
若木雲消蓬閣曉榆花露冷蓋宮秋  
醯鷄起滅氛埃裏惆悵浮生浪白頭

弭節方壺訪舊蹤雲璈迭奏和華鐘  
赤城春曉霞光薄玄圃秋陰露氣濃  
前剪綠衣初辟荔脩脩清珮製芙蓉  
滄波不阻三山路浪說三山隔萬重

獨跨雲鵬溯曉風扶搖直度弱流東  
采鸞去後音容杳青鳥來時信息通  
瑤草葱茸春雨綠丹光隱映曉霞紅  
浮沉欲海知多少頻視真如一斷蓬

絳節蓉沱縹緲來靈籟靈鼓響如雷  
颺輪低拂扶桑度羽駕高凌桂樹迴  
肉食未傳餐玉訣蓬心豈是馭風才  
誰能久視層霄上還向昆明認劫灰

蓬嶠迢迢去路難東風又見碧桃殘  
靈生瑤圃春常潤露墮金莖晝未乾  
瓊宇疑神香霧暖石壇禮斗玉聲寒  
殷勤寄語求仙侶河上靈笈仔細看

右仙興

挽徐編脩父



玄洲別却向壺洲祗住人間六十秋  
塵滿小窗飛脉望雲深舊隱  
噉鉤輶墨花零落來禽帖烟樹  
淒迷放鶴樓餘慶綿綿知不已  
鳳毛今在鳳池頭

元日早朝

前一日聞兩廣捷音

乳鴉啼散夜將闌  
庭燎煌煌啓九關  
劔戟霜明環虎旅  
衣冠雲擁送鴛班  
彤闈風定聞天樂  
黼座香消識聖顏  
更喜捷書來輿檄  
大廷行見格群蠻

和高居正秋臺齋宿韻

親承聖語下瑤臺  
齋閣同携襖被來  
茶淪龍團閑嘯詠  
香凝燕寢喜追陪  
起看紫極璿杓轉  
坐待彤庭玉鑰開  
欲寫蕪詞賡絕倡  
愧非汝士軼群才

陸君孟昭以元宵會客同寅高君居正即席賦詩

和者相屬予適以事不及往乃用居正韻以謝

玄露香浮白玉卮  
共拚一醉對芳時  
銀河夜轉斗橫柄  
火樹春回花滿枝  
繡戶月明歌韻杳  
麗譙風細漏聲遲  
慚予未得陪清賞  
吟對寒窓綠幙垂

送憲副王公赴山西

花驄蹀躞出神京  
追餞都門酒謾傾  
蘭省當年同戰藝  
栢臺此日獨蜚英  
霜飛絕塞秋橫鶚  
花滿新田曉弄鶯  
明日相思限南北  
暮雲春樹總關情

挽盧都御史睿

玉帳牙旗鎮北陲  
功成歸老穀川湄  
崇勛曾沐



當朝著清節還令後世思綠野堂空雲黯黯青門爪老草  
離離墳前石馬嘶風雨猶似榆關破虜時

紫薇精舍為陸孟昭賦其父別號怡晚

四首

丹霞塢裏草堂開移得薇花繞舍栽紫艷半含春露濕清  
芬輕逐午風來百年相業知重振二妙文風喜載回怪底  
虹光射牛斗五花寫誥闕泉臺

行春橋畔石湖邊精舍陰陰近墓田花發紫薇思往事氣  
騰白虎卧新阡青楓月冷歸遼鶴綠樹烟深怨蜀鷓怡晚  
仙人飛珮遠倚闌無語淚潸然

文穆遺墟草樹荒仙郎重此卜玄堂一盃麥飯澆寒食幾  
勺椒漿酌夕陽山勢猶存前古勝薇花還發舊時香檀弓

讀羅憑軒望宿草芊芊思感傷

吳山深處是先坐更傍先坐構草亭啼月慈烏晨繞樹啣  
花白鹿晝依屏石湖水碧涵窓潤文筆峯高入座青相國  
勛名今不泯薇垣遺種振芳馨

挽太保金公

淮陽人

二首

台星夜隕哲人萎哀動朝紳淚暗垂補衮每聞禔

聖治安邊頻見董王師堂堂遺像歸圖畫赫赫元勛照鼎  
彝千載芳名知不朽何須更索說之碑

憶昔先公秉國鈞與公情誼最相親子明舉相惟平仲

君實論交重景仁遼鶴不歸淮浦月蜀鷓又怨楚山春不  
才為勒碑陰記哀此歌殘淚滿巾



金山曉鍾送陳巨源父南歸

浮玉山前曉駐舟，鯨音隱隱吼林丘。  
驚回幽壑潛蛟夢，喚醒孤舟倦客愁。  
遠逐角聲聞鐵壘，清兼漁唱落滄洲。  
分明夜半楓橋泊，月色江聲滿目秋。

虎丘夜泊

千里歸帆下，玉京夕陽暫。  
儀闔閭城沉沉，梵宇疎鐘吼。  
渺渺漁村遠，火明芳草空。  
餘藏劔屨處，折楊猶聽路。  
歌聲朝又鼓，吳江棹遙想。  
家山只數程。

浙寇敗走詩以識喜

幽壑鼙鼓書嘯號，駢駟壯敢辭。  
勞霜疑玉斧，妖氛豁雲旌。  
牙旗殺氣高，荒壘驪魂飛。  
夜燐長溪戰，血漲春澗歸。  
來

不用歌鏡曲，皎月當臺詠。  
載藜

廷珍憲副以詩賀予平寇次韻答之

綠林妖祲喜初收，盡數歸來得自由。  
野戍花深無戰騎，平田草綠有耕牛。  
成功自愧非彬甫，憂國誰憐似子牟。  
多謝故人傳秀句，瓊瑤乏報祗增羞。

將之福清過南臺偶成

宿雨初收絕點埃，煌煌鳳節出南臺。  
長林怪鳥啼猶急，孤嶼妖氛鬱未開。  
竈竈護懷虞詡策，運籌誰是子房才。  
薇垣諸老方盤樂，肯念嗷嗷鴻雁來。

擬唐人送官人入道

三首

金屋蹉跎雪滿顛，官家有詔許求仙。  
夜眠不作湘雲夢，曉



諷應忘壁月篇好共采鸞遊  
湊沆休教飛鸞妬嬋娟碧桃  
花底吹笙處猶似承恩侍御筵

仙袂飄飄出漢宮  
後今罷聽景陽鐘  
肯題紅葉傳幽怨  
祇煉黃芽駐舊容  
上苑昔年春闋草  
空壇此際夜依松  
白頭阿監遙相憶  
知在蓬山第幾重

霞裾廿載侍昭陽  
喜逐飛瓊事紫皇  
塵夢已知殊鶴夢  
道粧應覺勝宮粧  
朝真曉步瑤池月  
搗藥宵分玉杵霜  
料得未忘恩顧厚  
丹成還擬獻君王

擬送狀元歸畢姻

恩榮醉罷曲江春  
又詠桃夭出紫宸  
莫負正當鳴鴈候  
乘龍元是化龍人  
金蓮影晃銀屏曉  
御酒香浮翠杓新  
莫

戀洞房鴛夢好  
且歸鳳閣掌絲綸

元日藩省祝壽謾成口號

銀河星淡漏聲遲  
畫省宵陳祝壽儀  
庭燎春回紅霧合  
爐香風細翠烟垂  
輿圖萬里歸堯統  
曆數千年紀夏時  
最喜太平今有象  
新年民物共熙熙

送韓行人使琉球

星槎五月泛滄溟  
路指扶桑霽景清  
諭粵才華推陸賈  
乘風氣槩羨宗生  
彭湖浪靜牙樯穩  
高嶼烟消畫鷁明  
遙想番王承寵命  
幾迴膜拜望神京

小軒夕坐歸思浩然

閱盡人間是與非  
鄉心戀戀北山薇  
坐憐黃菊霜前老  
笑



指閑雲雨後歸已學莊生齊得喪懶從簷下卜從違歸歎  
袖却屠龍手重向江頭訪釣磯

題黃君愈宣江山一覽亭

危亭翼翼倚晴空百里江山入望中俯檻銀溪紆素練開  
軒金嶂聳屏風波光滟滟搖文几嵐靄霏霏撲綺櫳我欲  
携琴亭上醉夕陽影裏數歸鴻

酬羅內翰贈別用原韻

滿蓬烟月發肝源又共先生醉別罇百歲可憐猶日暮一  
腔元自有乾坤文如班馬身何益學到關關道乃尊此夜  
且論千古事不須切切問寒溫

分題得玄鶴壽程即中父母

緜嶺歸來骨已仙雲衣蛻盡漸成玄舞隨蒼鹿應難辨色  
比青鳥似更妍高頂蒙茸含墨暈踈翎黠黠帶茶烟華堂  
此日稱觴慶好奏南飛薦壽筵

挽李參議柩

以家宰王公薦入官其致仕也貧無以歸秦府特賜歸葬

贊政薇垣際

盛時蕭蕭短髮欲成絲歸棹偏沐

賢藩

寵薦剡曾蒙太宰知夜月槐柯俄入夢秋風薤露忽興悲  
翠珉誰與銘遺德千古無斬有道碑

壽楊內翰母以初度之日受封

華屋笙歌曉漏遲露香庭祀爛金芝正當

北闕推恩日又是南山祝壽時慈竹影涵瑤席潤靈萱花  
映翠冠垂陽岡采鳳方高翥分得黃封薦玉卮



送余僉憲致仕歸南城

桂嶺驅馳雪滿顛，乞身深荷聖情憐。  
晚香采采籬邊菊，歸思飄飄江上船。  
醉裏呼童歌白紵，閑來振策濯紅泉。  
不須更負瀛洲路，老得閑居即是仙。

送羅應奎左遷提舉 三首

內翰羅先生以進士大魁擢居侍從，抗疏陳國家大計，坐是出提舉福建市舶。先生起自疎遠，立朝未百日，乃能言人所不敢言。吾曹終歲默默，不能有所建白，聞先生之風，愧死矣。故於先生之行也，賦詩三章以贈之。

龍飛二載狀元郎，三策纔陳又抗章。  
忠孝不孤明主望，迂疎任笑老生狂。  
同遊愧我非田晝，當道知誰惜

子方千古高名何所擬，七閩山色鬱蒼蒼。

曉捧函書叩帝廷，宸旒垂聽具臣驚。  
丹心耿耿明秋日，勁氣稜稜薄太清。  
鄒浩犯顏非賣直，陽城伏閣豈要名。  
此行不比湘潭謫，莫賦騷辭弔屈平。

閩山迢遞是天涯，去路荒涼倍可嗟。  
林晚飢烏啼刷羽，潭春妖鯉怒磨牙。  
水榭敢愛當時寵，鐵漢從交後世誇。  
畢竟皇恩深似海，肯令賈傅老長沙。

張先生升謫後復職

垂老窮邊衆所悲，賜還何幸沐恩私。  
受廬已脫新編籍，振鐸還為後學師。  
座隱青氈朝結課，香凝絳帳晝哦詩。  
不須更續投湘賦，好諫菁莪樂盛時。



挽鮑黃門輝 二首

萬里從龍狩北荒胡沙獵獵塞雲黃自揮寶劍驅豺虎  
忍向穹廬事大羊清江淩淩成碧草精忠耿耿凜秋霜九  
原若遇馮長樂應憶當年拜德光  
落日風吹戰血腥黑雲慘澹壓邊城祇知大義千鈞重直  
視微軀一羽輕死去無慚周富子生還不似漢蘇卿英魂  
不共陰飈散願化椀槍墮虜營

送任丘胡教諭

寒雲釀雪正沉沉尊酒離亭思不禁西蜀久鳴芹泮鐸北  
河又鼓杏壇琴家聲好聞蘇湖教道學須探濂洛心去去  
莫嗟官况冷三鱸會見集堂陰

謁岳武穆王廟用趙子昂韻

兩都兵後黍離離正念天潢國勢危鐵騎正謀探虎穴金  
牌連召仆牙旗黃龍痛飲空遺恨赤縣分崩竟莫支欲弔  
忠魂何處是淡烟衰草總含悲

秋日行臺書懷

涼透疎櫺暑氣微倚闌無語對斜暉歲華冉冉嗟將老心  
事悠悠悵屢違自悼退之偏致謗誰憐伯玉漸知非行臺  
袖却屠龍手坐着群鳥競鼠飛

紀夢

成化十二年冬十月朔予奉臺檄招撫流民于汝川是  
夜夢遊一洞洞左右石壁黝然榜曰紫雲洞府中有殿



宇如道家所謂三清殿者侍衛頗嚴中左設虛座其右  
有一塑像幘頭白衣金帶白衣之下有一人紗帽青衣  
金帶端座若假寐者諦視之則予亡友福建憲副游公  
大昇也予歷階而上徑至後殿見其蕪穢不治遽出三  
前殿連呼曰大昇在此乎大昇在此乎大昇起而就予  
予憶其已死勞其良苦大昇無言微笑拱手而已予詢  
以前程事大昇答云云予又問此是何處子今為何職  
大昇欲言傍有一老翁目之而止予遂出大昇送至洞  
門而別俄而覺則籬籬已三敲矣念大昇儀容死然在  
目揮淚久之大昇清慎有學其官于闕十餘年閩之士  
子愛之如父母其歿也諸生肖其像以配常寮今予所

夢若此豈其死而為仙邪賦一律以紀之云

故人化去幾經年宵寐相逢倍愴然翠栢臺中曾作使紫  
雲洞裏又為仙生前每感交情厚身後還將吉語傳惆悵  
冥交那再得潛潛清淚滴重泉

淮瀆祠祠有漢碑及御香亭 二首

桐栢靈源何處尋滄滄一脉發胎簪東歸大海奔流壯南  
雁山陽借潤深金雞品彙遺刻在寶沈馥郁御香臨年年  
襍禮陳牲璧願祝繁釐答 聖心  
碧殿玲瓏切絳霄飛霧時見瑞煙飄疏封舊沐長源寵濟  
早今看霈澤饒奠璧靈官宵秉簡函香天使曉乘輶時豐  
民樂邊無警好展神功翊 聖朝



憲副郁公回速追餞不及詩以寄之

故人應怕醉離亭五鼓驅車出鄧城茅店雞聲霜氣重荒  
途馬色月華明開尊寂寞孤吟倦隱几蕭條百感生遙想  
行營宵弭節嶺雲江樹不勝情

襄陽懷古

旬宣南駐楚江湄登眺悽然淚欲垂秋雨蕪段文煥壘春  
風蘋藻壽亭祠峴山不改當年色漢水應無舊日碑日暮  
平原春燒起恍疑吳晉合兵時

謁李潭州祠 二首

玄雲慘澹壓孤城城外蕭蕭鐵馬鳴一室甘心俱就死三  
軍效節忍偷生英魂不共寒蕪沒精爽猶隨宿燐明采采

溪毛酌清泚臨風三酌不勝情

賈相當年秉國鈞賢臣遠斥任諛臣豈知末路據忠士不  
是平居獻諂人呂氏諸郎甘納土李公一族競捐身新祠  
翼翼湘江上一讀穹碑一愴神

登岳陽樓 四首

城上翬飛百尺樓憑高一眺散離憂九江淼淼天邊浙萬  
象森森鏡裏浮晴靄曉迷蛟女室涼颺晝送估人舟文章  
誰似高平老燁燁虹光映斗牛

闌干十二碧玲瓏千里湖山入望中雲影淒迷涵遠岫波  
光滉漾浴晴空登臨誰識希文意俯仰深懷大禹功江草  
江花紛在目凭軒脉脉看冥鴻



雲窓月牖俯清流滿目山川快壯遊誰在江湖懷  
北闕謾誇樓閣冠南州朱絃夜鼓湘靈瑟錦纜春迴楚客  
舟欲起靈均歌九辨澧蘭阮芷正颼颼  
危樓高與白雲連吟倚朱闌思浩然七澤搖光浮几上三  
山飛翠墮鐘前老龍應識懷襄日遺刻猶題慶曆年欲駕  
蒼虬朝帝闕長安祗在夕陽邊

沅州

潭陽遠在夜郎西石徑縈紆路轉迷俗獷猶存盤瓠舊林  
深惟聽鷓鴣啼茅簷彫弊哀三戶風雷氣盪接五黔欲弔  
靈均何處是江頭蘭芷正淒淒

過劉大有先生故居

大有諱有年其先本廬陵人元季徙家沅州洪武中以  
明經起家擢監察御史學行焯焯有稱尋以辭官養母  
忤旨謫通州擺站間於州故家得儀禮逸經十八篇  
上之詔藏秘閣復起太平知府文廟入正大統以不  
肯迎駕謫雲南黔寧昭靖王知其賢遣諸子後學自薦  
于朝及交趾平起為交趾按察司僉事其卒也黃忠宣  
公誄之曰江湖宵次沫泗規模文宗韓柳學本程朱真  
為名流所推如此予過沅州訪其後有二孫一為別駕  
一為縣尹皆致仕家居而二曾孫為州庠生庶幾不墜  
其家聲問其儀禮逸經已亡矣出其遺像遺稿并學士  
解公所作環壁軒銘覽之益興高山景行之歎因賦詩



以致予意焉

五畝荒涼古道邊  
追思風範重凄然  
雄詞直躡元和後  
妙道還探大極先  
環壁遺堂猶有託  
曲臺逸禮已無傳  
諸孫濟濟承家學  
却喜名家不乏賢

題徐氏貞節卷次羅應魁韻

梧桐秋老負心期  
况復霜摧碧玉枝  
弱草棲塵空自悼  
狂瀾倒海詎能移  
高風不愧曹家婦  
浮藻堪羞蔡氏兒  
總帳淒淒寒漏永  
挑燈朗詠栢舟詩

過嘉禾懷南豐先生

嘉禾驛下暫維舟  
追感先賢淚欲流  
學術自應超董賈  
文章元不讓韓歐  
讀書若地蒼苔滿  
洗硯池荒暮雨愁  
故里

只今多俊彥不知誰解繼前脩

發建昌別會同智同二猶子

汝輩應憐濟叔癡  
相携追送楚江湄  
離歌莫愈離愁惡  
別酒那禁別淚垂  
瘦馬欲歸還戀戀  
孤舟將發更遲遲  
臨歧不盡丁寧囑  
好讀斯干棣萼詩

病中述懷

兩鬢飄蕭覺始衰  
踈狂猶似壯年時  
冰山不願依楊相  
鐵漢從來慕器之  
肯棄膏粱羞董喙  
忍携瓊玖易年皮  
試看衞霍燕然勒  
得似當年有道碑

過鴈門關

二首

征騎蕭蕭度鴈關  
危巒絕嶺力躋攀  
東瞻



帝闕祥雲東北望，戎庭落照間。李牧壘荒烟，樹老晉王碑。  
在雨苔斑，臨風慷慨懷前烈，撫劍長歌一愴顏。  
雄關樓閣勢，羣飛獨倚危闌。送夕暉萬里，山河歸管鑰，三  
邊將校屬旌麾。鷓鴣泉竭，胡兵困首，宿烟消塞馬肥。薄暮  
轅門笳鼓競，前驅擒得真韃靼。

甘肅元旦次朱都憲韻

玉關雪霽絕狼烟，殊勝呼韓款塞年。萬竈貔貅森列衛，兩  
班冠劍儼群仙。明珠翡翠來西海，譯弁服氊裘共一天。羽檄  
不飛刁斗靜，蚤看嘉績勒燕然。

過長城

在武寧關北其業戰死處

東九十里為狼牙村宋楊

斷垣迤邐百縷，堞云是秦人舊築。城折戰每因耕後出，斜

蒿時向雨餘生。甕門草滿，鼙鼓雉堞雲消，鶴鶴鳴東望。  
狼村三舍近，淒淒烟樹倍傷情。

輓王都憲

漢口當年醉別危，豈知嘉會更無期。玉關已喜生前入，汗  
簡空垂沒後思。夜月柳營霜吹斷，秋風蒿里鏗聲悲。白茅  
藉飯無由致，南望章江淚滿頤。

送朱都憲巡撫兩廣兼總督軍務

紫袍香拂御爐烟，出鎮仍兼將相權。鐵騎千群嘶去路，  
繡旂五采照離筵。榕城霜重炎氛淨，桂嶺雲消雉色鮮。文  
武兼資能有幾，蚤看勳業繼名賢。

輓德安張都憲瓚



黃鶴磯頭醉別筵別來雲樹兩茫然  
總聞奏對趨三殿  
忽訝音容隔九泉  
衰草晚烟平  
寇壘長隄春水餉兵船  
欲尋岑屋瀆川曲  
鼓子花殘落照邊

送李黃門孟暘使占城

金函放詔出彤墀  
特命儒臣撫島夷  
龍節遠稽周典禮  
鷄林重覩漢官儀  
海雲歛色迎丹仗  
水怪潛形避絳旗  
路過越裳煩告諭  
皇家威德萬周時

過暢村 在河津縣

行行疋馬過孤村  
土屋荒涼晝掩門  
豪客用人如楚子  
殺祭旗名家羸壑似王孫  
巨室厚塋若盜窟  
而食之怪鴉磔磔煙  
光暮冤鬼啾啾月色昏  
太息生靈餘幾許  
空原一眺黯消魂

魂

絳陽道中漫成

城郭蕭條村落空  
潸然清淚墮西風  
荏苒有盜如朱朱  
好食郡邑何人似鄭公  
富鄭公知青州  
活流民五十萬  
雲暗荒郊啼餒鬼  
日斜古道泣衰翁  
獨慚未有匡時策  
翹首蒼冥祝歲豐

山西大飢人相食哀歎之餘謾成一律

春風不入野人家  
白骨如丘事可嗟  
小甕滿儲彭越醢  
輕車穩載德光髭  
頭顱無復歸黃壤  
腥腐猶能飽暮鴉  
立馬郵亭倍惆悵  
幾行老淚洒煙霞

喜雨 三首

翩翩鴻鴈正哀鳴  
誰把天瓢此文傾  
稻畝青回春意足  
蘋



沁水長曉波清殘民已有生成望委巷初聞笑語聲愧我  
西來無寸補載歌周雅頌 皇明

屏翳驅雲晝不開龍馱滴滴自天來繞看白練垂簷隙忽  
帶銀河落礫隈菱婦從今收滯穗田家無復歎河萊朝來  
默聽民歌頌盡道 皇仁被九垓

天心允協 帝心仁一兩祁祁慰我民潤洽枯槁含黍色  
涼生遠樹絕敲塵汙池喜聽蛙聲鬧荒圃驚看菜甲新只  
恐戶曹徵稅急遺黎依舊走逡逡

和安道憲副穎陽元日述懷是日雨雪

二首

行臺吏散書無諱此處停驂即是家古柏每憐含晚翠枯  
菱漸覺換春華壽觴香泛金莖露瑞雪寒凝玉樹花却笑

病軀偏冗迫晨興不待玉衡斜

病起那堪燕雀譁式微歌罷苦思家梁公尚不知師德介  
甫惟聞薦子華世事悠悠樵下鹿人情漠漠霧中花鄱湖  
西去先廬在歸夢時穿竹徑斜

弘治三年春三月望

上御奉天殿親策天下貢士 命公卿及文學之臣赴  
東閣讀卷都憲屠公賦詩以紀盛事諸公相屬和  
之僕忝同事謹步嚴韻不自知狗尾續貂之不可  
也

御柳低垂禁苑春 臨軒又覩 綰儀新群英獻策陳王  
道諸老賡歌頌 帝仁待漏金門晨整珮論文玉署晝垂



紳連宵襍被容甚宿遙望奎光映 紫宸

天子龍飛海宇春 盛時典禮喜重新 文華讀卷瞻

天表楮幣頒 恩荷 聖仁光溢金卮分御醴香浮寶鼎

散朝紳得賢深為 皇家喜曳履後容出禁宸

傳臚之明日 賜宴禮部凡供事者皆與焉都憲

屠公又賦一律僕再和之

恩榮曾醉杏園春 垂老重霑 寵命新餅剪紅綾思舊製

酒分黃縹荷 深仁雲隨舞羽來庭把風送天香到珮紳

聖德如天慚未報載歌魚藻拜 楓宸

文華殿讀卷次司馬馬公韻

彤樓日轉漏頻催獻策咸推賈董才 吾道喜同 文運泰

聖顏還為直言開儒臣捧卷采深殿常侍濡毫近上台日

晏傳宣催賜宴五雲高慶醉金杯

謹身殿開卷出聽傳臚次學士李公韻

霽月當空八牖明履聲晨並 殿廊行上卿開卷初題榜

宣贊當階迭唱名天際慶雲昭瑞應 御前大樂奏和聲

金明路上人相語天與吾 皇產俊英

恩榮宴又次學士李公韻

籥翟當庭奏樂頻 瓊林錫宴際芳辰櫻陰綠映伶官服

花氣香飄舞佾巾淳酎潤含仙掌露散清歌作

帝臺春英聲感激爭相勉誓秉忠貞身

東閣讀卷次少司空謝公韻



金鑿策士 詔群卿禮樂縱橫細與評黼黻  
鹽梅商鼎用和羹喜聞瑞鶴空中見肯羨青雲足下生記  
得蚤年登第日藍袍濟濟看題名

譚都督祠

胡騎憑陵犯北門將軍擁卒戰平原秋風孤戍邊聲急  
日重圍殺氣昏帳下健兒爭效死陣前驕虜暗消魂至今  
溪水含餘怒夜半填然鼓鼙喧

九日登鷓子崖

秋風吹我上層崖周覽浩茫亦快哉對菊始知佳節到看  
山都喜壯懷開浮雲變能無鼎定逝水奔流不復回北望  
龍興咫尺金觚玉闕是蓬萊

送張啓昭

勸講 文華沐寵優欲將直道贊 皇猷金人何用三緘  
口鐵漢從教一斫頭甚諫交章良可笑儒紳咋舌亦堪羞  
聖恩眷注元無替肯使南都久滯留  
鄉邦交誼最相親忍向離筵勸酒頻抗疏但求裨  
聖治論思端不忝詞臣自憐石介非狂士任詆西山是小  
人暫別鑿坡非遠謫莫將辭賦弔靈均

東河驛寄京師諸友

北山歌罷淚浪浪承 命西來鳥道長使節畫衝秦嶺雪  
征驂曉踏渭橋霜愁腸暗逐鶻聲斷歸夢常隨鴈影翔京  
國同袍應笑我馬蹄連歲為誰忙



白瀑寺南壁間韻書懷

宦轍馳驅志已慵無心更覓徹侯封但令氣節垂青簡不  
羨勛名勒景鍾官况天邊雲澹澹客愁雨後葉重重呼童  
汲取山頭瀑一洗秋來憔悴容

播州行臺偶書

萬里馳驅到夜郎親承 紫詔諭殊方欲持清白光先訓  
敢毀廉隅負 聖皇琴鶴不教隨使騎金珠况肯入行裝  
實朋試解慳囊看祇有新詩十數章

早朝聽 鼓戒

彤樓鐘動萬鴉飛玉珮珊珊向禁闈銀燭影搖温室樹寶  
香拂侍臣衣鴻臚傳 制依黃道禁旅鳴鞘拱紫微朝

罷從容歸陋院喜看旭日散晴輝

駕出南郊

羽林清蹕出都城 聖主南郊展敬誠紫極氛消春日麗  
黃壇塵靜曉風輕雞翹影逐 龍輿動鼙鼓聲隨象輦鳴  
歡溢臣民咸抃舞此生何幸覩昇平

齋居 賜蜜餌

金盤蜜餌出 彤庭 天語丁寧賜列卿宋室鳳團寧擅  
羨楚宮椒糈浪馳名香甘方士青精飯潤滑仙家紫石瑛  
衰朽自慚無補報載歌天保祝 皇明

南郊陪祭

聖皇奠璧禮 園丘萬炬飛光映 冕旒齋殿雲深清瀟



迥燎壇風暖瑞烟浮靈祗分獻多  
儒碩釐路群趨盡徵侯  
湖海愚臣忝陪祀愧無詞賦頌鴻休

憲副郁公惠青布及詩酬以白紵并賦詩答之

湘川別後幾星霜青布慙慙遠寄將  
展翫尚涵江氣潤裁  
成長帶澱花香詩人莫刺蜂蟬羽  
騷客空誇薜荔裳白紵  
愧非瓊玖報池亭聊用納新涼

秋夜齋宿懷仲深宗伯

耿耿星河映戶明齋居徙倚不勝情  
啼蛩石砌秋聲早落  
葉銀床夜景清歸計未成心轉急  
炎威漸退氣初平知公  
亦有幽栖志何日聯鑣出鳳城

出京偶成

九重命下許歸休便向江頭買去舟  
客夢未離金闕樹鄉  
心已逐楚江鷗身同裴相投閒樂事  
異靈均去郢憂  
聖德如天慙未報回瞻紫禁思悠悠

太宰介庵先生以詩餞別用原韻奉答 四首

曉拜彤墀出帝城寒江歸去結鷗盟  
秋蘭蕭艾何香臭  
蟬翼黃鍾孰重輕滕甫未應為惡黨  
休文未必是狂生于  
今誰秉春秋筆忠佞廉貪好細評

謝病連年叩紫宸掛冠今喜作閑人  
思尊正值新秋候  
種豆還期故里春憂國獨憐君實切  
論文誰似景仁真

炎風朔雪煩調燮珍重當朝社稷臣

曉納牙牌別禁城竹梅擬結歲寒盟



君恩何啻萬鈞重行李後來一葉輕誓保忠貞全晚節肯  
求溫飽負平生鶴山未必非君子成大如何敢妄評  
冠蓋追隨出拱宸知幾已後鱸鱸人黃花爛熳東籬晚  
蕨離披別墅春誰識張湯多變詐自憐汲黯任天真歸歟  
且飽魚羹飯休論忠臣與佞臣

歸田後連得二子秋官郁君以詩相賀次韻答之  
垂老榮榮每自憐雙雛初乳却歡然寶家驥鳳雖難比白  
傳文章亦有傳稍喜階前瑤草秀敢誇掌上寶珠圓山間  
湯餅無兼味聊和新詩侑慶筵

靜倚松窓感物華平生蹤跡半天涯蜀秦鳥道頻  
粵鯨波幾泛槎有口即嘗樓護膳無廬肯主瘠環

從事休重道且向青門學種瓜

秋夜不寐卧誦郁秋官詩用韻述懷

南此... 馳嘆獨賢歸來林下喜陶然幸多圖史留兒讀詎  
有勳名與世傳抱甕雖勞甘守拙方知欲鑿耻為圓茹簷  
飽喫魚羹飯似勝侯家玳瑁筵  
宦游幾載厭紛華乞得閒身釣水涯騎馬懶後聽禁漏問  
津直欲泛仙槎雖無食客堪延譽幸有癡兒可保家負郭  
何須田二頃數畦祇種邵平瓜

予弟廷祺園中紫牡丹盛開邀予賞之醉後賦二

律以識其事時弘治八年二月廿二日也

看花幾見洛陽春魏紫嫣然迥絕倫玉板每慙攀逸駕鶴



翎無計避芳塵香同荀令携來好色似韓湘染未勻今日  
對花須盡醉黃荃畫裏本非真

前身應是紫微郎化作名花檀國香初訝曉烟籠黯  
疑甘露沁霞觴靈根淺映蘭芽嫩穠艷微涵歛硯光世代  
紙今憐問色誰脩花譜續歐陽

讀康齋集 吳徵士與弼所著

瀛洛關閩迹久湮斯文何幸得斯人朱絃一曲聲偏澹玄  
酒千觚味獨醇竹色花香元自樂共編細帙不為貧紛紛  
黃小休輕訕見道誰如此老真

閑居述懷

萬里歸來已白頭溪風山月思悠悠昔河鐵騎成春燕錦

水牙檣憶舊游病後更添元氣癖閑中還抱杞人憂桃花  
流水知何處願與漁郎共放舟

都憲韓公貫道惠詩次韻答之二首

疎庸久荷 聖明知却恨非才負 盛時三晉雲山應  
我兩京議論竟歸誰閑尋草子歸田賦懶誦靈均問卜辭  
渭樹江雲嗟契闊何當一醉習家池

老得懸車古亦難桔槔春雨靜中看昔年曾叱王尊馭此  
日休彈貢禹冠春草池塘詩思逸午橋罇俎酒腸寬蕭蕭  
風雨鷄鳴夜菊枕蘆衾睡正安

癸巳歲藩省祝 壽和自立韻

文武班聯玉筍行紫袍赤舄爛成章共推 寶曆承三統



更喜皇風被八方  
香影暗隨雲影動  
恩波元共海波長  
炎荒未許淹私識  
佇見鳴璫侍聖王  
兩階劔佩儼成行  
縹緲登歌奏大章  
萬國衣冠環北極  
九天雨露洽南方  
香飄仙仗微風度  
星轉銀河曉漏長  
喜三邊氛祲息  
征西諸將縛戎王

宋玉宅 即安陸州學

舊宅蕭條泮水隅  
騷人曾此托幽居  
荒臺日暮無行雨  
廢圃春深有搗車  
茂樹橫樛搖落後  
姱辭曠朗變風餘  
巫陽歌罷秋天迥  
應有遺魂返故墟

樊城懷古 仲山甫所封之地

斷垣衰草古樊城  
勝國當年此戰爭  
往事已隨流水逝  
空

山猶倚暮雲  
平旂旌隱隱  
仁王寺殿  
焚蕭蕭虜將營  
峒嶺  
悵然懷往昔  
蒸民歌罷不勝情

謁賈太傅祠 二首

漢殿從容席屢前  
得君何事遽南遷  
孝文猶自踈賢佐  
絳灌能無妬少年  
寂寂荒祠啼鷓鴣  
魚沉沉遺甃冽寒泉  
徒來材大難為用  
惜甚歌殘一泫然  
經國材猷迥絕倫  
春秋以後見斯人  
誰知一代興王佐  
還作三湘放逐臣  
斜日坐隅來怪馬  
寒烟江上弔靈均  
須知窮達皆由命  
何用悲傷自殞身

題徐氏貞節卷

孤篁勁柏翠交加  
靜處幽閨閱歲華  
誓保貞骸歸北壟  
忍



移芳屣到東家梁間愁見春巢燕庭際羞我夜合花青簡  
已書中壘傳昭昭姱節世爭誇

舟中感懷集句

短棹吳歌花滿川聯文客心何事轉悽然高平生自笑王夷甫  
躬少日真期魯仲連杜獨對青燈思往事張忍將離恨托  
哀絃耀仁故園尚有平生約麟文落日孤雲望眼穿阮好

題桃源小隱集句

桃源面面少風塵維獨構茅堂養道真薛玄萬葉秋聲孤館  
夢汪水一庭草色自家春復見祗從暮醉兼朝醉躬却恐閑  
人是貴人李耕借問路傍名利客雖朱門雖富不如貧陳爽

椒丘文集卷之二十四

椒丘文集卷之二十五

詩

七言絕句 附集句

福安書事

福安連歲被寇加以洪水為災室廬蕩然水後疫氣大  
作死者什三四甚至家無噍類鄰里惧其相染也不敢  
過門故死者往往暴露不殮嗚呼哀哉何吾民之不幸  
也予行部至縣延問父老慨嘆不已雖悉心圖之然才  
非張養浩未能有濟也因即所見漫成十絕用貽一二  
同志庶幾共圖救荒之策云

海門夜半吼長鯨怒捲閭闔入巨溟惟有清霜臺上檜亭



亭不改舊時青

市閭白晝舞天兵無限群生化作魚弭節行臺增慨嘆蕭

條邑里似荒墟

兵後蕭然既有誰更堪憐鬼困殘民慚予不是張希孟也

對斜陽淚滿巾

驅車曉度碧山隈拂拂腥風逆鼻來怪得飢鳥飛舞下前

村露融卧汗菜

危檣巨舶畫縱橫海上時聞鼓角鳴莫怪近來征稅少編

氓漸入綠林兵

青裙少婦抱孤兒長跪車前淚滿頤夫死銀坑生業盡

鋤野菜和糠炊

去年賑濟仰官儲今歲官儲半罄無捕得海鮮將換米可

憐孤淑遇強徒

兒釣青蛙母捕鱖溪邊風雨不勝寒歸來甕冷生柴濕寂

寞無言掩淚看

鴻鴈嗷嗷可柰何桑田此日變滄波願持誠意回天意却

轉悲歌作笑歌

茅簷過午突無烟里正催租更索錢不遇使君親問訊此

身已分入黃泉

民有貧不聊生者欠糧七升不能納里正督之且索稅

債民急欲自縊里正執以詣道予訊而憐之答里正使

代納俟秋成取償焉民泣謝更生故錄其語云



山亭瑞香次宗源韻

翠袖珠翹吐異香不隨群芳競春陽名園甚謝今餘幾得似山亭晚更芳

福安行臺次景澄韻

輕車曉駕粵山陽苦雨蕭蕭去路長最是不堪悵處平原桑柘盡凋傷

重過大凝寺次景澄韻

三年四度過禪家兩見凋零兩見花今日盡輻重駐此綠陰彌望盡桑麻

初度有感時寓寧德行臺

五年初度客中過不似今晨感最多走龍在野身在園家

我咏罷淚懸河

石牛驛次南谷韻

苦雨炎風促去程此心不為世間名願將幾滴天瓢水一洗閩山萬壑清

訊鞠稍暇偶閱唐人王建宮詞愛其寓興深遠頗

得國風離騷之旨因擬作四章錄呈易庵兼柬南

谷年兄

花貌宮娃老掖庭承恩元不在傾城披香殿上開春讌閑看群姬弄化生

憔悴無心對鏡臺燕武象掃鎖屏瑛昭陽自有身輕者肯

放羊車夜半來



織眉如月髻如蟬金屋栖遲十二年別院昭容新繫臂而  
今已賜洗兒錢

碧梧浙浙送秋聲坐倚銀床百感生誰向御溝題落葉不  
知溝水最無情

汀州行臺次易庵韻

榕陰垂綠暗聞溪蹠蹠花驄去欲迷駐節行臺心獨喜幽  
林無復怪禽啼

玉華洞次易庵韻 二首

白雲深處是仙臺寶樹春深玉醞開蓬島來應能勝此仙  
人何事不歸來

洞前琪樹倚雲栽洞裏珠華映雪開一自飛軒遊碧落月

明空見鶴歸來

道傍李花為風雨所殘

繡袂珠襦白玉冠含悽無語怯春寒東風不為多情惜無  
數殘鈿趁馬鞍

行部上杭道過三洲館見白花生枳棘中芳潔可

愛而不知其名問之村民曰文壇花也予哀其託  
根非所賦詩吟之又推花意而答賦焉凡得六首

雪彩冰姿傍棘叢更堪苦雨與斜風五侯亭館多開地何  
事凄凉向箇中

右唁花

素質生來異眾葩孤根不識五侯家年年雨露隨天分肯



向風前怨歲華

右代花谷

麗館崇臺二月時  
群葩紅紫競歲華  
可憐寂寞荒山裏  
空抱芳心吐向誰

右重嗜花

不誇顏色不誇香  
不共群英競艷陽  
造化栽培知有意  
且隨本分過春光

右花重谷

心園臺榭五雲連  
鈴索春來處處懸  
何苦甘心蕭艾裏  
炎風瘴雨有誰憐

右再嗜花

碧桃紅杏炫春容  
歲晚紛飛總是空  
縱在王家鈴索裏  
可能禁得五更風

右花再谷

渭水秋風圖

剪得秦川半畝雲  
晴窓鳳羽翠紛紛  
狂飈莫苦相摧折  
清廟劄詔待此君

行臺有花名剪春羅  
一夕盛開時浙寇  
入境予與景澄督兵討之  
賊敗走因戲成詩一絕云

劍倚晴空殺氣高  
旄麾膽破弓嗥天  
公應欲行勛賞  
故剪春羅製絳袍

坐客有談兵者縱橫無窮謾成一絕以警言之



趙括談兵世鮮倫長平一敗血成津誰知慶項安劉者却  
是當時重厚人

過斜頭遇雨

肩輿薄暮過斜頭風雨蕭蕭送旅愁太息人家生計盡柴  
扉不掩野麋遊

錄村氓語

二首

大兒前歲死銀坑弱子而今又出征但願使君平黠寇老  
氓從此樂農耕  
行營昨夜運糧回今日還差送甲來道路奔馳何日已石  
田強半是蒿萊

過卧龍岡有感

卧看關河起戰埃草廬數語見雄才于今未必無諸葛誰  
肯三迴枉駕來

銅臭紛紛位顯庸豈知王佐卧隆中山林草道無伊吕冰  
鑑何人似德公

孝直奇謀世鮮雙君侯共事每包荒忠勤亦有張樞密却  
恨臺章詆李綱論者謂張浚忠勤似孔明然孔明能容  
法孝直而浚不能容李綱此其所短也

題慈溪圖

滿榻松陰滿院苔書聲隱隱意惟開雙橈誰鼓晴川艇應  
是門生問字來

題屏間紅梅

曾餌仙人換骨丹霞裳翠舞月華寒暗香疎影終非俗莫



比桃花一樣看

錄襄鄧民言 七首

一檄賢於十萬兵西南赤子荷更生雄詞誰似元夫子重  
與磨崖頌 聖明

襄陽行徧到南陽勞徠寧辭去路長刁斗不驚雞犬靜村  
居處處樂耕桑

總我往歲駐荆襄黃口呱呱泣路傍今日歡然騎竹馬攜  
街歌舞迓都堂

白茅覆屋竹編籬所得生柴給曉炊婦子熙熙還感嘆于  
今始得免流移

綠林兵散瘴烟清歸買山田自力耕蓋麥收來村釀熟家

家歌吹頌 皇明

荒山寒谷停車處慰問丁寧出至情白叟黃童俱感泣不  
圖今日觀昇平

玉節光臨漢水湄殘民喜極更成悲峴山何用銘遺愛辛  
載斯人口是碑

寒食郊行書所見

破帽飄飄白髮垂日斜醉飽意施施歸家尚作驕人態不  
記墻間乞食時

偶成

水鑑當年重德公近來何事六公洪人間未必無王佐却  
認長蛇是外龍



題梅竹卷 四首

黎雲漠漠楚天低，鶴挾相逢思欲迷。  
斗轉參橫寒漏盡，迴惟聽翠禽啼。

姑射仙人冰雪姿，珠冠瓊珮下瑤池。  
湘江帝子元同調，翠袖相依歲晚時。

鐵幹瓊英玉作魂，託根不傍五侯門。  
歲寒惟有疎篁在，共保清貞水石村。

霜華簌簌暗香浮，萬顆明珠夜不收。  
幾度披圖吟興遠，恍如水部在揚州。

次吳原明韻

故人寄我錦洲兒，要識淇園烟雨姿。  
却笑河豚誇

君真味有誰知

憶汲臺竹偶成

汲水當年總憲時，脩脩半畝雪霜枝。  
別來久斷平安信，勁節清風又屬誰。

題菊

霜葩露葉冷香浮，別是人家一種秋。  
歲晏群芳搖落盡，脩脩翠篠伴清幽。

題松 為樊都運賦

虬枝夭矯翠參天，兩幹霜皮老更堅。  
榱桷年來收拾盡，豈知梁棟在山巔。

晉陽途次所見 六首



采采槐牙不滿筐婦姑踞地且同嘗  
祗愁四月槐牙老從此貧家又絕糧

阿母前行兒後追兒追不及哭聲悲  
祗知各自求生路肯復回頭一顧兒

首蓓花開松粉飄貧家生計轉蕭條  
平原處處無麥山鳥休呼婆餅焦

二八丫鬟泣路隅逢人但道乞為奴  
豈知富室都縣齏誰有餘糧養侍姝

縣令傳言禁食人誰憐百姓甑生塵  
情知醉客非糟魂且飽飢腸度此春

細擗書丁丁野菜同蒸半熟生幼稚  
呱呱羸老泣不知何日見秋成

平陸所見

被苦藉草倚頽垣父啖兒屍祖啖孫  
一段民風堪入畫寫生只欠鄭監門

錄村姬言

芮城有村姬坐豆畦間呼兒而哭  
問之則曰有女年十五換得豌豆三斗種之與以療飢  
今天旱而豆槁矣徒使母子離散終不免餓死也

賣却嬌兒換豆歸豈知種豆盡為箕  
空令骨肉東西散不得杯羹療母飢

過故相第

二首



門掩西風畫不開  
蜘蛛滿壁粉牆頽  
屏前乳犬休驚吠  
無復懷金暮夜來

偃月堂空複道深  
蒼黃微燄落棘林  
猿猴喜鵲歸何處  
不到人家送好音

白石

白石離離似白羊  
嶄然頭角徧沙場  
四齋未學初平術  
一任閑眠對夕陽

播州夜聞子規有感

命隨殊方一羽輕  
更憐十口住都城  
播江此夜聞啼鴉  
濕寒衾夢不成

事竣還京將發渝城偶成口號

去歲乘輅出 帝畿  
茲晨整珮覲 彤闈  
擔頭訟牒兼詩

草不帶川中一物歸

山居觀物偶成 四首

風暖空庭草色青  
門如市處不曾生  
閑中玩物窺天意  
始悟春風也世情

雙燕應懷舊主人  
巡簷緝壘往來頻  
却嗟老圃春光暮  
黃

蝶紛飛過別鄰

風和日麗百花香  
坐看遊蜂釀蜜忙  
擾擾營營空自苦  
蜜成端的是誰嘗

靈鳥噉噉集林端  
浪惹群兒戲射彈  
何似黃鸝逞嬌舌  
遊人聽罷有餘歡



題泥金畫梅

此花元是玉為容  
金粉何勞點染工  
識得和羹風味始  
知來自益珠宮  
瓊姿不肯染緇塵  
別是西湖一種春  
畫裏底須論色相  
金丸熟處見天真

別同年王繡衣集句 四首

我去君留可奈何  
李竹所青雲莫道故人多  
劉文房片帆

今夜又何處  
施鈞獨影翩翩逐逝波  
廿九日

頭上花枝照酒卮  
千家詩鳳城依約更相期  
陳益幾九重

正爾思梁棟  
子昂可向江南又別離  
共全節

楊柳青青江水平  
劉夢得別時相顧酒如傾  
岑參何當共

剪西窓燭  
李義山更與慇懃唱渭城  
劉夢得

日暖飛花近  
鬢絲  
虞集相留一醉本無期  
戴幼公明年此

日知何處  
帝應物  
立在清朝白玉墀  
薩天錫



欽定四庫全書  
歐立文集卷之二十五



欽定四庫全書  
歐立文集卷之二十五



終身有恨子文歸豈非自取之咎

於此二年為之讓臣王相圖華而送其

無所不備禮節誠正直學而以其荒塗

命棄職以行發國歸都一律十由且可

《終》

卒也

或也至樂於身自是甲辰歲而終

於此五十四年行表有主職而必之

日中各名學以費金下必董於中

之無暇又暇暇而和和無之

始有主職遠京至

母家